

MUTU YAMATA KUZWA

FA PILA MULENA

 Halu inamiseni litoho za luna. Mulimu Yomunde, lu tabile musihali cwana ka litohonolo le lunani la kukopana hamoho nako ye hape. Mi Wena unosi, Mulena, uziba lipilu za luna zeo li lakalize mwa hola yona ye lukona kuyema fa pila sicaba sa Hao mo hape, ni kutisa Liñusa le lona le lu utwa ka butokwa kuli la tokwahala luli mwa hola ye. Wena u lu tomezi mazazi amanyinyani a cwale, mi lwa lapela, Mulimu yomunde, kuli lizoho la Hao la sishemo libe fahalimwa luna, ku lu etelela ni ku lu zamaisa. Mi ni ku lufa lika ze lu tokwile, Mulena, kakuli lipilu za luna li lakaza ku Ku ziba hande.

² Lu bona simu tuna ya kutulo, seili busweu, ibuzwize, mi lu ziba kuli lukau cwale lu kolile ka nako yetuna ya kushenga. Mulimu Yomunde, lu lapela kuli U apule makapi kuzwa ku luna, luinele fa Pila Mwana cwale, mazazi alikani cwana a, ni ku buzweza kwa Mubuso wa Mulimu.

³ Fuyola pina kaufela ye ka opelwa. Fuyola tapelo kaufela, mi alaba yeñwi ni yeñwi ye ka lapelwa, Mulena. Pilisa kaufela ba ba latehile. Ba bizeze kukutela kwa ndu ya Mulimu yapila, ni kwa ku kopana, bona baba yambaezi kwahule.

⁴ Lwa lapela, Mulimu, kuli U folise mutu kaufela ya kula yataha mwataswa situwa sa luna. Lumeleza cwalo, Mulena. Kusike kwaba mutu ya fokola mwahala luna kwa mafelelezo a mikopano ye.

⁵ Mi, Mulimu yomunde, mi ka luna bañi, luna baba ipapata mwa hola ye kuli ki luna Keleke, baba Bizelizwe kwande, bami ba mwahala lifasi ba bazwile mwa Babilona ni kuba bo muca sanda sa kopano yende ye mwa lizazi la mafelelezo le, lwa lapela, Mulimu, kuli Uka fuyola lipilu za luna mwa nzila ye cwana. Luna kaniti lu lapile, Mulena, ni kuba mukungulu kuzwa kwa lika kaufela za lifasi, zeo luziba. Mulena, lu beile kwatuko buima kaufela bo bu lu imeza ka bunolo, mi cwale lu mate takano ye ka pilu telele, yeli fapila luna. Lumeleza cwalo, Ndate. Mi cwale lutale, baba tible, Bakreste babande, kwa mafelelezo a sebelezo ye, kufita mo ne lubezi ha lukena. Mi Mulimu aikungele kanya kaufela, kakuli lwa li kupa ka Libizo la Jesu. Amen.

⁶ Ni sepa ye le ki litohonolo lelituna, busihu bo, leo Ni libelezi fa nako nyana. Zazi leliñwi ne Ni bulelela musala ka, se Nili, "Na ikalelwanga, ha ni taha kwa tabernakele." Fela ni... Ni na ni balikani babañwi, kaniti, Ni nani, mwahala lifasi, kono kuna ni sesiñwi ka tabernakele ye kwanu.

Ne ni zusizwe mwa liluli le kwanu, mi Mulimu hana ni file bupilo fa lifasi fa; mi Na sepa, haiba A liyeha, Ni ka pumbekwa kwanu mwa sibaka kokuñwi. Mi Ha ka taha, Uka ni fumana kokuñwi.

⁷ Kono, ku bonahala sina, kuna ni sesiñwi, ha Ni nahananga za Jeffersonville. Zazi leliñwi ne Ni i kutwile hahulu bulutu; Na bulela ku musala ka, se Nili, “Ni utwa bulutu, mi ha Ni zibi ze Ni utwela bulutu, haisi batu bani kuli ba ni lapelela.” Se nili, “Kihande, Ni ka . . . Taba fela ye Ni ziba ya kueza ki kukuta ni ku yo ba ni mazazi nyana a mukopano, lubone haiba haluna ku fumana sika ku Mulena, mwendi Ubata kuli luzibe taba yeñwi.”

Mi tuto yetuna, ye butokwa yeluna ni fapila luna cwale ki ya *Linyalo Ni Telekano*. Mi haiba kuna ni puzo, ku lukela kuba ni kalabo. Haku koni kuba puzo konji pili kube ni kalabo. Hakuna taba kamba ku cwani, ku lukela kuba ni kalabo. Haiba nji Mulena alata, Nibata ku ambola ka yona, la Sunda kakusasana.

⁸ Mi cwale, kamuso busihu, Ni sepa lu lukela kuba mo mwa . . . Sikolo sani si bizwa cwani? [Muzwale Neville uli, “Parkview.”—Mu.] Muyaho wa Parkview. Sikamañi, sha? [“Parkview Junior High.”] Parkview Junior High. Ki babakai baba ziba ko si inezi? Kihande, Ni sepa kuli ba kaba ni lisupo kwande, nji cwani, Muzwale Neville? [“Eeni.”] Mube . . . Ki bukaufi fela ni kwanu mwendi—mwendi bukaufi nyana ni maili, mi ku kaba lisupo. Mu sikuluhele kwa mulaho, kuzwa mwa mukwakwa. Ki nto yende, ki muyaho o tumukile. Ina ni libaka ko mukona kuyendamisa mazoho a mina, ni kuba ni ze mubata kuñola, mi—mi—mi ni lika zeñwi. Mi Ni sepa kuli mukaikola zona kufita mo mu kabela, ka mukwa wa kutitihana mwa mikopano mo mwa—mwa tabernakele. Kukaba sibaka sesituna luli, sibaka sesituna sa ku bulukela limota.

⁹ Cwale, Ni sepa kuli bana ni milao nyana ye lu sepisize kuina ka yona, yani neli kuli, lusike lwa zwela kwani konji ka sikisi seti. [Muzwale Neville uli, “Konji ka faifi seti; lusike lwaba kwani faifi seti isika kwana kale.”—Mu.] Mi ni nako yeo . . . [“Minyako ika kwaluha ka sikisi seti.”] Ni lumela kuli ikaba mulelo o munde kuli lube kwani ka sikisi seti.

Cwale, bana ni muyaho omuñwi kwanu mwa tolopo okwana lipula ze sikisi sauzandi. Haiba nji lukaba hande ka lika ze, baka lu lumeleza kuba ni omuñwi ka nako yeñwi mwa mukopano omutuna, mwendi ka nako yeñwi ka mbumbi ye ha Ni ka kuta kwabuse bwa mawate.

¹⁰ Mi kacwalo Ni sepa kuli lwa kona kuina kufita fa . . . Lukona kuina babakai kwani? [Muzwale Neville uli, “Lukona kuina mwendi kubata kulikana ba fo sauzande.”—Mu.] Fo sauzande. Kacwalo, mwa bona, lukaba ni sibaka sesituna. Hakuna kuba kumata mata. Mi kacwalo mutahe ka sikisi seti. Mi kipeto mañi ni mañi wa kona kutaha ka nako ye lukile, mutu ni mutu

hamoho, mi Na sepa kuli muka—muka ba ni kuina kokunde. Mi uyahilwe sina *cwana*, mi—mi ni sibaka ko mukona kuñola ni kunga litaba hande ka kuñola, ni zeñwi cwalo. Mi sani si ka kala, haiba nji Mulena alata . . .

¹¹ Na sepa cwale, busihu bwa kacenu, kakuli wo ki mukopano wa busihu bwa la Bulaalu, luna ni . . . Sibaka sibata fela kutala, kacwalo Ni sepa mwendi lukale kamuso busihu. Ne lu si lifela ka sepo ya kuli mwendi, kambe ne luka ba ni babañata kwanu, ne lukaya kwateni kwani. Kono Ni lumela kuli ki . . . ne ku kaba hande ku ya kwateni, nji ha musepi cwalo, Muzwale Neville, kuya kwani kamuso busihu? Mi ki babakai baba nahana kuli wani ikaba muhupulo o monde? Mi kipeto mwakona kuba ni sibaka sesituna—sesituna. Si—si lifilwe kale; si lifezwi kale ki mizwale mo mwa keleke. Si lu tandile madollar aeza mashumi aketalizoho fa busihu, ili yeo mane, mane i . . . Kambe Ni nani ze cwalo kai ni kai, bene ba kaina ka buñata cwalo ka madollar alikana mashumi aketalizoho fa busihu, ki muyaho o munca luli, kwa katala kokunde. Mi, kono luna ni . . .

¹² Kakuli, luka ba ni nubu, Na sepa. Mi ha lu lati kuli baana bani balife zani bona bañi; luka lifa ka . . . luka ba lifa kuba kutiseza. Kono ha lu ka ba ni lisinyehelo za luna ni zeñwi, kihande, kanti, eeni sha, lutuhele kunga linubu. Haluna ku . . .

¹³ Haiba kuna ni baenyi mwahali ku luna, lu ezize sani kuba mulao, kuli lusike lwa kupa-kupa, mukumbeleti, ku hapeleza batu za masheleñi. Lu fitisanga mukeke wa koleke, ili fela . . . Yeo ki kezo ya bulapeli. Ni i likile, linako zeñata, mane kusina nihaiba kufitisa mukeke wa koleke, ni hanyinyani, kono halina kubeleka. Mwabona? Kakuli, kufana ki siemba sa bulapeli bwa luna. Ki siemba sa musebezi wa luna. Hakuna taba kamba ki sheleñi ya muwayawaya fela, kamba seo kaufela sili sona, kamba nihaiba ka pene fela, ku felile . . .

¹⁴ Kacwalo mwa hupula, Jesu na boni mbelwa inza fita, zazi leliñwi, ko bafumi ne ba koleka ka buñata bwa sifumu sa bona mwa sikwama. Mi mbelwa yo afita, mwendi habeli cwalo, ni bana baba shwile tala fa kaufi ni yena, mi afa lika kaufela za na nani, tupene to tulaalu. Mi Jesu sali, “Ki mañi ya kolekile hahulu?”

¹⁵ Cwale, kambe Ne ni yemi kwani, Ne ni kali, “Usike wa eza cwalo, kezeli. Lu—lu, talima, luna ni masheleñi amañata hahulu.” Kono Na si ka mutuhelisa. Mwabona? Na—Na zibile kuli Na na ni sesiñwi sesituna sa hae mwahala musipili. Kacwalo, mwabona, kasamulaho wa lika kaufela, nana ni ndu mwa Kanya, kwa na lukela kuya. Mi Na si ka mutuhelisa. Na mu tuhelezi kubeya mwateni tupene to tulaalu twa hae, kakuli nelí yena yana bata kueza cwalo. Mi na bata fela kueza ona sani; ni bana, ni mbelwa, mi tupene feela to tulaalu twa kupilela fateni.

Musali, na lakalize kueza ona cwalo. Kacwalo, mwa bona, batu haba bata kufa, mu lukela kubafa nako ya kueza cwalo.

¹⁶ Kono Ni nahana ka ba bayemi ba ni, ni batu baba bulela kuli, “Ki mañi yaka fa madollar a mashumi aketalizoho? Ki mañi yaka fa madollar a mashumi amabeli?” Ni sepa kuli sani sa sabisa kwa zibo ya—kwa zibo ya mina. Ni—Ni sepa batu ba ziba kuli si lwala masheleni kwa—kwa kuba ni—ni mukopano. Mi ne Ni sike na ba tuhelela kueza sani, bona bazamaisi. Se nili, “Nako kaufela hamuna ni kueza cwalo, konakuli seli nako ya ka ya kukutela kwa tabernakele. Kacwalo, haluna kueza cwalo.” Kono Ni—Ni sepa kuli lu lukela ku fitisanga mukeke wa koleke, ili—ili kuli ibe sebelezo yetezi hande ya bulapeli.

¹⁷ Mi kacwalo ba ka fitisanga mukeke wa koleke busihu ni busihu, kubulela sika sina cwana, “Kihande, luka koleka lineo cwale.” Mi ba ka fitisa mukeke wa koleke, mi sani si ka—si ka ba mafelelezo a zona.

¹⁸ Mi busihu ni busihu, haiba nji Mulena wa lata, Ni sepa kuli Mulena ubeile fa pilu yaka Liñusa luli le li swanelia la Keleke. Ni bile mazazi nyana mwa litapelo. Mi Ha nina kukena ku zani, kakuli taba yeñwi yetuna ne i ezahalile zazi leliñwi yeneli yetuna luli. Mi Ni palelwa kukuza ka kubulela ka zona. Mi cwale, tuto yetuna luli, Na sepa, yeo buñata bwa bona, Billy ne baize, bene ba biza, neli fa *Linyalo Ni Telekano*. Ili yeo, yeli tuto—tuto yetuna, mi ha Ni—Ni zibi mwa ku talimanela ni yona. Mi Ne niile ku yo lapela ka yona, mi Mulena ani katana. Mi Na ziba sani kuli Ni, ka... Hanina yona, kono Mulimu uni file; Ni na ni yona cwale. Mulimu uni file kalabo ye lukile, mwabona, mwabona, mi Ni—Ni ziba kuli ki niti.

¹⁹ Mi kacwalo ha Ni zibi kuli fela ki lili, mwendi, la Sunda Ni ka buza likezeli zaka ku tuhela mukopano, ni bona, kono ha Ni—Ni zibi. Ku kaitinga kamba basali baba nyalani babata kutaha ni baana ba bona. Kuna—kuna ni lika zeñwi ze butokwa ze lukela ku bulelwa, ili niti kuama, ni kamo... Mi kacwalo lu bata kuli kaniti lu iyale fela hande, kuli KISONA SA BULELA MULENA, konakuli fo muna ni zona cwale. Fohe kipeto muziba seo Niti ili sona. Mi Ni sepa kuli Yena uka eza sani.

²⁰ Mi, cwale, Ne nili kwanu ko kulekiswanga lico zazi leliñwi, ne nica, mi—mi Jerry ni babañwi ba bona kaufela ne ba mi bata kaufela mina. Ne baize, kuli, “Kihande, luna...” Babañwi, alimuñwi wa bashimani a yema, ali, mutangana yo ubulezi kuli, “Ni ka taha hande mwa biki ye,” ali, “bana ni... Kamba, libiki zepeli zetatama ze.” Ali, “Bana ni—ni mukopano kwanu, wa papali ya basiketiball, kamba nto yeñwi.” Ali, mi sali, “Branham uteni kwani, ukaba ni mukopano.” Ki hali, “Ni ka fepa batu kaufela.” Kwa Ndu ya kwa Matema, yeñwi ya libaka zani kwani. Mi nebali... babande luli hakalo.

²¹ Mi Na itumela ku mina kaufela, kakuli ba bulezi hahulu zeñata ni kubulela lika zende ka mina.

²² Muina sipula kwani kwa Ndu ya kwa Matema na ni katani kakusasana omuñwi. Ne ni keni mwendi ka tu seti, kuzwa kwa Arizona. Mi ki hali, "Kihande, Muzwale Branham," ali, "Ni utwa kuli ukaba ni mukopano omuñwi." Ali, "Nina ni tuso yeñwi," mi ali. Mi ali, "Konakuli Ni bata kubulela nto yeñwi, kuli batu bani baba zwelelanga kwani," ali, "bona ki batu babande hakalo." Cwale, sani ne si ni ezize kuikutwa hande ka mina, mwabona.

Kakuli, kasamulaho wa lika kaufela, Ni ikutwa inge kuli mu banake, mi Ni—Ni . . . kamba, banana, nitaluse. Mi kacwalo Ni . . . Kidi italusia puli, kono mina ha mu lipuli. Mina mu lingu zaka. Seo si cwani? Mina mu lingu za Mulena Za ni file kuli ni fepe. Mi Ni sepa kuli lika—lika . . . zeo Aka ni tuhela kuli ni eze. Luya lu shetumuka mwa mukwakwa.

²³ Mi ka za *Linyalo Ni Telekano* ye, Ni batile kubulela ka yona kuzwelela nako ya Maswayo Asupa ani. Mwa ziba, yona kunutu—. . . Likunutu kaufela ne li lukela kuzibahazwa mwahala zona, kukwalula kwa Maswayo Asupa, likunutu kaufela za Bibele. Mi Ni nahana cwale, ka kuba ya supala, Ni—Ni nahana kuli Ni . . . Ni hupuzi kuli Ni i beye fa tepu, kamba sesiñwi ne si ka ezahala kuna, konakuli Keleke yakona ku bilaela, "Hamuzibi sana nani mwa munahano wa hae nji? Ki sikamañi sa na ka bulela?" Mi ona lituto zani kaufela ze bonahala tata hahulu; Na sepa, haili . . . ka tuso ya Mulena, Ni ka lika ku li tisa ku mina. Mi cwale—cwale haiba sesiñwi si ezahala, mi haiba Ni ka funduka Asika taha kale, muka—muka ba ni yona fa litapa.

²⁴ Ni sepa kuli luna ni libuka zenza ze zwile. Ni bona Kezeli Vayle; Hani zibi kamba dokota uteni mo kamba nee. Kikuli uteni mo, Kezeli Vayle? Kaniti uteni mwa mukopano wo. Ha ni muboni. Kono, oh, eeni, kwani kwa mulaho. Mi Muzwale Vayle uñozi buka, mi ki . . . Na hupula, Ni sepa ba bulezi kacenu, zepeli. Muzwale Vayle, ki niti yeo nji, una ni zepeli cwale? Libuka zepeli. Cwale, Ha ni zibi, Ni . . . Kuya ka mo Ni utwisiseza, kuli mutu ni mutu abe ni buka. Kacwalo Ni . . . Haiba mu . . . Yani kona nzila ye Ni utwisisa ka yona. Na kona ku fosa mwendi ka seo.

²⁵ Mi cwale *Lindako Za Likeleke Zesupa* li felizwe (Kana ki niti, Muzwale Vayle?) mi cwale i se ipulintilwe cwale. Mi Ni ziba kuli mu ka tabela kuba ni zona, kakuli li alaba lipuzo zeñata hahulu zibile mwa lipilu za mina. Mi cwale kasamulaho wa sani, kihande, lu ka lika ku kwalula *Maswayo Asupa*, mwa ziba, mwa buka, kacwalo mutu ni mutu uka bala kuya ka mwa—mwa batela, wakona ku utwisisa ni ku ibala. Ni sepa ha iñozwi hande, haiba ki . . .

²⁶ Pili, lu ingile fela kuzwa fa tepu ona cwalo, mo ne iñolezwi kamba ku bulelelwa. Mwa ziba, wa kona ku kutaza sebelezo, yeo ki nto iliñwi, mi kuñola buka ki nto isili hape. Mwabona, sina mo

ne Ni ka swalela tuto, sina hane Ni ka bulela ku mina, ne mu ka utwisia, Ne ni kali, "Cwale, ki peu ya noha," mwabona.

Kihande, cwale, mubali wa buka ye, haiba ne mu ka ikungela yona, nemuka komoka, "Peu ya noha ki sikamañi?" Mwabona? Mi ne ba si ke kuziba. Haiba ne ikaya mwa sibaka se siswana ni Princeton kamba kokuñwi, mi neba—neba ka nahana kuli luna lu batu baba sina ngana.

Kacwalo Ni nani Muzwale Vayle kuli ani tuse ka ku i beya mwa munahano o swana, ni kuifa sikuwa sesinde. Mi Ni ziba kuli sikuwa sa ka ne ba ka . . . Ne ikaba kunutu ku bona, ki niti luli. Kacwalo he . . . Muzwale Vayle ki sikwala luli ku zeo, kacwalo yena u . . .

²⁷ Mi cwale, ku zani, Ni sepa kuli muzwale wa luna uswanela kuba ni susumezo yeñwi ku zona hape, fokuñwi, mi ubulezi kuli uka ñola libuka nyana zeñwi za hae fela, kuzwa ku zona, cwalo. Mi uñozi iliñwi ye bizwa, Na lumela ki, *Mupolofita Wa Lusika Lwa Myaha Ye Mianda Yemibeli*, ni yeñwi, *Keleke Ya Laodesia*, Na lumela, kamba yeñwi yecwalo.

²⁸ Mi Billy uni bulelezi cwana, busihu bwa kacenu, kuli Na lumela likiti za zona li fitile kacenu; yomuñwi uba tisize kuzwa kwa Texas. Mi kacwalo, bona, ba kaba kwanu. Mi ba ka li zibahaza, Na sepa, seo kaufela sili sona. Na sepa la lifezwi. Ha ni zibi hande. Mi haiba ku cwalo, lika fiwa ku mina, mwa bona, hape, ka mahala fela. Mi lwa sepa muka ikona yona. Mi haiba mueza sani, mulumelise Muzwale Vayle mwa lizoho kwa mulaho kwani ni ku mu bulelela mo mu itumeleli ka yona. Na hani si ka ibala kale, na kasibili. Kambe Ne ni ka libala, Ne ni ka cinca munahano waka ka zona, kacwalo Ni ka lika ku libala biki ye ha Ni na ni kolo, haiba Ni kona.

²⁹ Cwale kakuba busihu bwa la Bulalu, mukopano wa luna ka swanelo ukala kamuso busihu. Kono Na sepa, ka kuba mo mwahala mina, Ni—Ni—Ni palezwi fela ku itulela kwa ndu kwani mi—mi ni kuziba kuli mina kaufela nemuli kwani. Ni . . . Kuswana fela, mwa ziba, inge babañwi ba mushobo ya mina mutile, mwa ziba, mi muzamaele kwa mafelelezo a mukwakwa ku yo kopana ni bona, mwa ziba. Mi—mi Ni—Ni hupula kuli ne Ni ka mata fela ni—ni ku mi amuhela kwa Jeffersonville. Mi kacwalo biki yefelile ye Ne nili fa kaufi ni . . .

Batili, Ni kupa swalelo, seli libiki zetalu kwa mulaho, Ni tile kwanu. Ni bile kwande inze ni lika ku . . . Ni bile mwa mikopano mwahala Arizona kwani, mi Ni kutile ili ku to lika ku ikatulusa. Mi Ne niile fa musipili wa kuzuma, mi se Ni—Ni kena mwa tolopo ya Arizona kwa kubata litau. Na imatisa ka limaili ze mashumi amabeli za likota ku yo i katanyeza.

³⁰ Kono he ka ku nahana, ka zona, kuli Ne ni sa hupulangi hane Ni sali mushimani yomunyinyani . . . Ka ku bonisa fela lika ze mo

li ezahalela, sibaka nyana seo Mulena alu file kwani, ka likweli zelu li kwande kwani, ni likolo za banana.

Ne nili mushimani yomunyinyani. Ni sepa kuli Jimmy Poole uteni mo busihu bo, mwendi bo ndatahe bateni mo, Jim yomutuna. Ne lu keni sikolo hamoho, mi Na hupula hane niinzi kwani, inge mushimani yomunyinyani ya pazauhile, ni makatulo, inza tinile makatulo a kulahisa mbola ya tennisi, minwana ya mahutu yali kuzwela fande; na kupanga pampili ku yomuñwi, ni potoloto ku yomuñwi.

³¹ Ne ni ñolanga litoko. Mi musala Bo Wood, kwanu, neba ni kupile kuli ni kutele sani musihali wo fa tepu, ka za Ford yaka ya kale, mwa ziba, mi ki—ki yende ku na. Cwale, ki ha li, “Kihande, u lukela kulumeleza sani ku bo Muuna muhulu Ford.”

Se nili, “Kuna ni niti yeñata hahulu, Na lumela,” ka za lilata kwa pata, ni ku ngulungunda kwa mulaho, ni kakwaci ka si Chinese kwa mukoboco. Kono Ni... Ki—ki... Kono Ni bile ni bulelanga kamita kuli, taba fela ye Ne ni ezanga ki kubala mataya amane, ni ku inyunga hahulu kuli ilile mi kipeto ni kukena ku yona. Se nili, “Neili yende hane Ni kambamanga lilundu ni yona, ki kuya fela inge ni kasha hanyinyani cwalo, inge ni bulela kuli, ‘Ni sepa Na kona, Ni sepa Na kona, Ni sepa Na kona.’ Mi kipeto ya lila, kwa neku leliñwi, nili, ‘Ne ni hupula kuli Ni ka kona, Ne ni hupula kuli Ni ka kona.’”

Cwalo kona mo lu kambamela lilundu le, sina *Tundamo Ya Muzamai*. Kacwalo luna... .

³² Ne ni bile ni toko nyana yene Ni ñozi, sesiñwi se siccwana. Mi ili... Cwale, munahane fela, Ne nili fela bukaufi ni lilimo ze twelufu za kupepwa. Ni kuyema fani, zazi leliñwi, ne nze ni talimile mwa libala lani mwa buse; mi na nahana, “Tau yani ika to ina ona mwa musima wo kwanu mwa sibaka se, inge ni talimezi mwa lihaulo,” mwa lihaulo la gilasi. Ne ni sweli ku nahana toko nyana yani. Na kuta ku yo i nopa, nto yeñwi yeswana sina cwana. Munahane fela ka mo Mulimu... .

³³ Kana mwa lumela kuli Mulimu u mwa susumezo kaufela? [Puteho ili, “Amen.”—Mu.] Mulimu una ni kuñola pina. Kikuli mwa lumela kuli Mulimu u mwa lipina nj? [“Amen.”]

Jesu na bulezí cwalo. Na swanisize ku Davida, “Kana ha mu zibi sa na bulezí Davida mwa Lisamu? Mwa ziba, kana ha kikuli... .”

³⁴ Mutualime fa sifapahano. Davida na i opezi, mwa Lisamu 22, “Mulimu wa Ka, Mulimu wa Ka, kiñi ha U Ni tuhelezi? Masapo Aka kaufela, a Ni talimezi. Ba Ni tabile kwa mazoho ni mahutu Aka.” Mwa ziba, mi yani neli pina. Lisamu ki—ki pina.

³⁵ Mi mwa toko ye, mutualime fela mo ne itezi. Ali kuina fani, mutangana nyana ni pampili ya ku kupa, se Nili:

Nina ni bulutu, oh, ki bulutu luli bakeñisa
 libala la sibaka sa mboela wa kwa wiko sani,
 Ko miluti i wa mane kufita mwa butungi
 malundu a matelele.
 Ni bona luwawa lo lu nanalela kwa matuko a
 mubala wo museta wa mbundu;
 Ni utwa kokomu ko ililela kwatasi kwani ni
 manaka amatelele inge ifula.
 Mi kokuñwi kwabuse mwa libala Ni utwa tau
 ha ibopa,
 Mwa Malundu ani a Catalina kwahule kwa
 museto wa Arizona.

³⁶ Myaha ye mashumi amane kasamulaho, Ne ni inzi ona mwa
 libala leli swana lani, tau yani inze ini talimile mwa meto.

O Mulimu, kuna ni Naha mwa buse bwa nuka kokuñwi,
 balikani. Fela ki . . . I lukela kuba teni. Mwabona? Kuna ni—kuna
 ni zeñata hahulu ze bulezwi ka yona. Liká ze kaufela ha ki
 matangu fela; kono ki . . . Ki za niti. Ki litaba za niti. Ni tabile
 hahulu busihu bo, ka kuba ni sicaba se Ni kulubela ku yo pila
 ni sona kwa buse Kwani kuyakuile, ko kusike ku yo ba matuku,
 kamba lifu, kamba likauhano. Mi ku zamaya misipili haina kuba
 sesinwi ku luna nako yani.

³⁷ Cwale, Ni sepa kuli hakuna mukopano o talelela hande ha
 kusina palo ya Linzwi ni kuba nyana ni . . .

Muzwale Neville, Ni tile fela kwanu. Billy na bulezi kuli no
 bata kuli ni kutaze. Kana neli cwalo, Muzwale Neville? [Muzwale
 Neville uli, “Amen. Eeni. Luli.”—Mu.] Ni kona ku talimwa ka
 mukwa o ipitezi nyana, kono Ni—Ni ikutwile fela hande ka zona.
 [“Kihande, amen! Luli mueze!”]

Mi, cwale, mina baba nani lipina ni zeñwi cwalo, mwa bona
 Muzwale Neville ha mu ka opela, mi kipeto mube ni zona, kwa
 halimu kwani. Mi ni bile fela ni licika la hola ka litaba za
 makalelo, mi cwale ha luyení ka butungi mwa Mañusa a ni
 kubona se lukona kubona Mülena kuli aeze. Mi Ni sepa fela . . .

³⁸ Ni—Ni lumela kuli luna ni Niti. Na ikolwisisa ka sani. Ni
 lumela kuli buloto bu cwalo, kaniti, sikapi sisweli kuyebuha
 kwateni. Mwa ziba. Mi, mwabona, Na kona kufa manzwi a
 makalelo ka sona, kamuso busihu, mwabona, ka mo sikapi si ye
 buhela kwa buloto. Kono buloto bu lukela kuina Fapila Mwana,
 kuli bu buzwe. Mi sani kona se lubezi mo, mulikani, kuina Fapila
 Mwana kufitela sikuwata nyana sa luna kwanu, kufitela siba se si
 buzwize hande ku Kreste, si be sinkwa fa tafule ya Hae. Sani
 kona se Ni bata kuli bueze.

³⁹ Mi cwale lusika atumela kale Linzwi, kasamulaho wa kupeta
 litoko, ni zeñwi cwalo, halu lapeleni hape. Kona lu ka bala palo.

⁴⁰ Jesu yomunde, lutuse busihu bo cwale, mwa manzwi alikaní
 a, halunze lu libelela ku Wena. Mi lu lapela kuli muhau wa Hao ni

sishemo libe ni luna, Mulena. Mi li nolofaze lipilu zaluna; yebula makapi kaufela kwateni, ona miutwa, ni liseto, lumeleza liseli la lizazi la mbuyoti ya Mulimu kuwela fa Linzwi, Mulena. Mi lube ni mukopano omutuna cwalo kufitela kutokwe kuba mutu ya si ka piliswa mwahala luna, bana kaufela babe mwa Mubuso wa Mulimu. Bani baba sina kolobezo ya Moya, haba I amuhele, Ndate. Mi likunutu kaufela zetuna ze lu lukela kuziba mwa lusika lo, Mulena, li patululwe ku luna; mi luka bona kupatalala kwa Mulimu, ili kuli lu zibe mwa kuikutekela ili luna ni kuezeza, ku i sikulula luna bañi ni kutisa lilama za mubili wa luna mwa kuipeya kuutwa Linzwi, kuli lukone kuziba mwa kupilela mwa lizazi la kacenu le ka kuatumela kwa Mulena Jesu.

⁴¹ Sina ha Ni bala Linzwi la Hao busihu bo, Mulena, Na kona, ka kuba ni tuto yenyinyani, kubala mwateni manzwi nyana, mi mwendi ni palelwa katalusa zeñwi hande. Kono, Mulena Mulimu, Wena unosi ki wena u kona ku hoha tuto kuzwa mwani. Ki wena fela Unosi ya kona ku eza sani. Hakuna—hakuna mukwa wo mutu akona kueza ka ona; li inzi mwa mazoho a Hao, Mulena. Kacwalo ulife ku luna, busihu ni busihu, lika zani ze patilwe mwa Linzwi la Hao, kuli lukone kuba Bakreste babande ni kupila kuya ka nako ye lupila ku yona, sina mitala ya Bukreste. Lu kupa ka Libizo la Mulena Jesu. Amen.

⁴² Cwale, buñata bwa mina, mwa Libibele za mina, Ni bata kuli mu apule mwa Buka ya Jonasi. Ki... Lu bulelanga hahulu zeñata ka Jonasi kakuba mutu ya wile ni zeñwi kaufela. Na kamita Ni bile ni hatelela hahulu Jonasi. Ha ni lumeli kuli Jonasi na li ya wile. Na—Na hani lumeli cwalo. Ni sepa kuli ki... Fokuñwi lu i tusisanga lona, kuli, “Yani ki Jonasi.” Kono haiba lu... Ni se ni bulezi kale ka zona, mwa mukwa omuñwi, ka kubulela mo ne Ni nahanelia, Jonasi, sene si ezahalile.

Cwale linzwi la MULENA la taha ku Jonasi mwana Amitai, lali,

Yema, mi uye kwa Ninive, munzi o mutuna wani, mi u yo tabela mwateni mukosi; kakuli bumaswe bwa ona bu kambamezi ku na.

Kono Jonasi a nanuha ku sabela kwa Tareshishi kwahule ni pata ya MULENA, a shetumukela kwa Jopa; mi kwateñi ayo furmana sisepse se siya kwa Tareshishi: alifa mali a nzila, mi a longana ni bona, kuya kwa Tareshishi kwahule ni pata ya MULENA.

⁴³ Kana ha ki kufela ka maswabi koo? *Mutu Yamata Kuzwa Fa Pila Mulena*, mi yeo kona tuto yaka.

⁴⁴ Cwale, pili lu bata kunahana ka se. Jonasi nali... Libaka, libaka le lituna, leo Ni lumela kuli na ezelize taba tuna ye fa, nelii kakuli Jonasi nali Mujuda. Mi na kupilwe kuli aye kwa muleneñi wa Bamacaba, ku yo tabela kwateni mukosi; ka kunahana kuli na si ke ku amuhelwa. Kakuli, Bamacaba ne ba hupula kuli, “Ki

sikamañi sana ni kueza ku luna Mujuda yo?" Kono, mwa bona, taba yeñwi, si lufa taba yeñwi yetuna fa ya kuli lu bone, kuli Mulimu ha ki Mulimu fela wa Majuda, kono Ki Mulimu hape wa Bamacaba. Ki Mulimu wa batu kamukana.

⁴⁵ Na ketile fela Majuda. Majuda ne ba bizwa kuli sicaba se siketilwe sa Mulimu. Ne ba ketilwe ka libaka leliñwi. Mi taba yani neli, kubafa mulao, mi ne ba si ka ubuluka. Mi Na bonisize fela, ka sicaba sani, kuli mulao no palile ku bulukiwa, ni kuli Na li wa—wa—wa nali Mulimu wa kuluka. Mi mulao notokwa kuluka, kono nekusina muhau mwa mulao, wa ku lukulula mutu. Hakuna mulatu o no lifiwa ka mulao, kono ne si lwala muhau kulifa mulatu wani, kamba kuseo mulao no lubeile mwatasí.

⁴⁶ Mi Jonasi fa na bizizwe, sina cwana, alimuñwi wa bapolofita babanyinyani ba Bibele, kuli ashetumukele kwa muleneñi woo.

Mi fa lu fumana mutala wa luna kaufela. Mañi ni mañi wa luna, kamita lu matanga ku sesiñwi. Lu matanga kwa matata. Lu matanga misebezi. Luna, kaufela luna lu zibahala ka ku ezanga cwalo. Luna, luna lu, lu twaezi hahulu kumata kusita mo lu twaelezi kuyema ni ku talimana ni lika. Mwabona, luna fela . . . Lu—lu—lu ipumananga lu nze lu mata.

Fokuñwi luipumananga kuli lumata kusaba musebezi. Halu tabeli kueza, ha lu lati ku beleka. Batu babañwi ba nahana kuli bakona kuipilisa kusina ku beleka. Kono, Na sepa, ki Solomoni yana bulezi kuli lwa kona kufumana fa kalabo, ka kutilima kokwani.

⁴⁷ Mwa ziba, kokwani yenyinyani, ba ni bulelela kuli kokwani (kaufela) ye sa beleki kono ya ikatulusa, kokwani yani haina kuca mwa nako ya maliha ani, mane. Konakuli, mañi ni mañi una ni ku—ku bekela.

⁴⁸ Luna ni lika zeñata hahulu ze luna ni kueza, musebezi hahulu o muñata o lu lukela ku talimana ni ona. Mañi ni mañi ulukela ku talimana ni musebezi.

⁴⁹ Mi ha mu—mi ha mu taha kwa—kwa kuketa musala mina, kuli mu nyale, kamba kuketa muuna hao, mulukela—mulukela kuba ni musebezi. Mi kipeto mu lukela kuhupula . . . Mwendi mu ka yaha ndu; ki ndu yende. Mi cwale, muhupule, kakuba musali ya nyewi, mu lukela ku nahana za musebezi wa kuhulisa bana. Mi mulukela ku nahana ka zona ka tokomelo luli, mamota a telela akaba ni, mazoho a masila aka swala swala fateni. Mi muna ni musebezi wa kuchenya sikolo bana ba mlua. Muna ni musebezi wa ku ba tinisa ni ku ba fepa.

⁵⁰ Liki kaufela ki musebezi. Mi ku bunolo hahulu, mi misebezi ha i lu tahela, ku ikambusa ku yona. Mi lu fumana kuli linyalo ki musebezi, mwa litaba kaufela.

⁵¹ Mane, linako zeñata, lu fumana . . . Se si tata ku si bulela, kono ki niti, kuli bakutazi, linako zeñata, ku ikambusa kwa

musebezi wa kuyemela Linzwi la Mulimu ha ba ka kopana ni Zona. Ba ka ikambusa kwa musebezi. Mi Niti ya Linzwi la Mulimu ha i tisiwa pata ni pata ni batu, luna ni...lu zibahala hahulu ka kuipata kwa mulaho kufitela ku be mafelelezo.

⁵² Ne ni sweli fela ku ambola ni mwana kezela ka kwani. Yena ki wa Katolika, mi na... Mi ne Ni kolobelize mushimani yani, ka Libizo la Jesu Kreste, kwanu lilimo nyana zefitile, mi una ni musizana yomunyinyani cwalo ya fetuzi wa Katolika. Mi ne Ni sweli kwa lizoho la bomahe ha ne ba shwa kwani. Ba ni bulelela, manzwi a mafelelezo, "U babalele Melvin." Mi yena na sweli fela kubanga ni litolo. Hakoni fela ku... Zazi, zazi ni zazi, bikì yefelile, ubile alolanga litolo. Ali, "Ne ni keni mwa keleke ya mina, Malume bo Bill, mi ne mu yemi kwani inge mu kutaza. Se ni matela kwa pata, ku yo kala ku ipulela. Se ni zuha." Mi ali, "Ni—Ni bile mwa mafosisa."

Se nili, "Melvin, ha utokwi toloko ka seo. Sibaka sa hao siteni kwani ko u swanelo." Ki niti yeo. Mwabona?

⁵³ Kono ka kulibana ni misebezi, fokuñwi si lwala kubuha litalo la luna, ka kueza sani. Kakuba ndate, ka kutalimana ni musebezi, ka kufa mwana mina tupa. Bana ba banyinyani bani, ha mu tokwi kueza sani. Kono kakuba ndate kamba me, muna ni ku talimana ni musebezi wa ku hulisa bana, kakuli Bibele ibulezi kuli, "Ya tima mwana tupa wa mu lemaza." Mi sani si sa yemi hande mwa meto a muituti wa za buino bwa minahano ya liteni mwa lifasi. Yani isa siyala ili Niti ya Mulimu. Kambe kuna ni zeñata ze cwalo ze ka ezahalanga, ne lusike kuba ni mutakafululete wa buitamaeli bwa banana cwana ni zeñwi, ni kubola ko lu nani mwa lifasi kacenu. Kono mulao o munde wa kale wa lapa u lobilwe, kale koo, mi ba tuhelela bana kueza mo ba batela kuezeza.

⁵⁴ Kono mane sina ha Ni bulezi, bakutazi, baka taha pata ni pata ni Niti, mi kipeto ba ya kwahule ni Yona. Mwabona, bana—bana ni fela... Ku bonahala kuli kuna ni sesiñwi seo—seo ba sa lati kutalimana ni sona.

⁵⁵ Linako zeñata Ni bile ni batu baba tahanga ku to bulela, kuli, "Ni ziba yeo ki niti, Muzwale Branham, kono Ni ezize sani, neba ka ni lahela kwanda keleke." Ku cwañi ka seo? Haiba ha uezi seo, ba ka ku lahela kwande, kwa halimu Kwani. Kacwalo u lukela ku lahelia kwande, kokuñwi, mwabona. Konakuli wa kona kutalima ni zona hape, mwa sibaka sa kumata ku saba kwateni ni kubulela kuli, "Kihande, Ni ka ikela *kwani*. Hanina ku kutela kwateni." Kuta kwani, luli, uteeleze ku zeñwi za Teni.

Mubale Mañolo. Jesu abulela, "Mubale Mañolo, kakuli ku Ona mu nahana kuli muna ni Bupilo Bobusafeli, mi ki Ona luli Apaka za Ka." Kono lu fumana kuli batu habana kutalimana ni zani.

⁵⁶ Ka kutaha, fa Pila Mulimu, ni kubona fo Mulimu hana file sepiso, mi Mulimu u tamehile kwa sepiso yani. Mi cwale Ha tisa sepiso yani kwa ku ezahala, kipeto batu ba saba kutalimana pata ni pata ni musebezi wa kuzamaelela ni Liñusa la hola yateni. Lu fumana zeo kai ni kai.

⁵⁷ Ku cwani he ku mina ma Lutheran? Ki babakai ma Lutheran bene ba sabile, batu bene ba sabile ku talimana pata ni pata kwa Niti ya Luther fani hana tile ni za kuluka? Mutualime zene mu sinyehezwi, mwendi nihaiba bupilo bwa mina luli, kuzwa ni ku to bulela Jesu Kreste ni—ni kuba wa—wa Lutheran.

⁵⁸ Mutualime ku mina ba Methodist, mone ku belanga, mina kaufela ne mu bizwa kuli bapikuluhi baba kenile. Na sepa ne muziba cwalo. Mi ne ba banga mwatasa Moya, mi ba njanja kwa mulaho ni kwa pata. Mi ne baize kuli neba—neba nani “ku nyungana.” Ba Meth- . . . Kuli, hakuna, bani ha ki Mapentekota; bani neli ba Methodist, myaha yakwa kale koo. Mi ne ba nyungana, ni ku njanja, ni kuwa mwatasata mata a Mulimu. Mi ne ba hasaka mezi kwa lipata za bona, ni kuba fukiseza moyo ka lipangaliko ze fukisanga moyo, ne ba hupula kuli ne ba welela. Mi, cwale, ne mu talimiwa kuba sirkwata sa bapikuluhi baba kenile. Kono ne muna ni, bo maa mina ni bo ndata mina, nemuna ni ku I amuhela, kutalimana ni Niti ni ze lukile, kamba ku i hanela.

⁵⁹ Ku cwani ku mina Mapentekota baba amuhezi ku kutiswa kwa limpo, fani kolobezo ya Moya o Kenile hane itile, ka kubulela mwa malimi, ni limpo za Moya hane li kutezi mwa keleke? Kiñi, ba Methodist ne ba bata ku mi lahela kwande, mi ne ba li ezize. Kono ne mu nani kutalimana ni zona. Neli sika sene muna ni kueza.

Ku cwani ka taba yeo, hane itile, ka za kolobezo ya Libizo la Jesu Kreste, mi ne mwabe mwabona kuli neli Niti? Mu lukela kubonana ni zona mwa pata, kamba kueza sesiñwi ka zona.

Muna ni musebezi, mutu kaufela una ni zona, mi mu lukela ku talimana ni lika zona ze. Ku lukile.

⁶⁰ Mi cwale ha mu ka bona, mwa lizazi le cwale, fo Linzwi la Mulimu ha li file lisepiso za lika ze lubona ha liezahala cwale, konakuli luba ni ku ikalabelia ikana yaba ka ku talimana ni Zona kamba ku saba ku Zona. Mu lukela . . . Ha mu lukeli fela kuina kusina kunga siemba. Mu lukela kueza sesiñwi ka Zona. Kuli . . . Muzamao omuñwi una ni ku eziwa.

Haukoni kukena mwa munyako wa keleke wani ni kuzwa uli mutu ya swana mo no kenezi. Ikaba kuli ukashelizwe kwahule, kamba kutaha bukaufi ni Mulimu, ki nako ni nako ha mutaha mwahali kamba kuzwela kwande kwani.

⁶¹ Oh, kamo kubezi bunolo kwa sicaba kuli si sabange litaba ze. Mi Ni bata kuli lu nahane ka lika ze ha lu ka kala lisebelezo ka swanelo kamuso busihu, kuli, Ni bata kuli mulemuhe taba

yeñwi ha i talimwa ka tokomelo, haiba mu . . . haiba kuna ni puzo ka zona. Haiba kuna ni puzo ka zona, ku lukela kuba kalabo.

⁶² Muli, ka mutala, Ne ni ka bulela kuli Ni ya kwa wiko, mi mu ni supezi neku *le*. Kihande, taba yapili mwa ziba, Ne ni ka mata kufitelela fo ni libile, mi Ni na ni hape . . . Ni kwa wiko wa mutulo. Kihande, ku cwani kambe yomuñwi na ka ni supezi neku *le*, mi kipeto Ni ya neku *le*? Ne ni ka fitelela fo ni libile hape; Ne ni ka ya kwa wiko wa mboela. Kihande, ibile fela kuna ni puzo, ka nzila yeya kwa wiko, ku lukela kuba ni kalabo ye lukile hande kokuñwi.

Mi cwale lipuzo ze ha li lu tahela, kaza Niti ya Bibele, ku lukela kuba kalabo ya lukile kokuñwi. Yeo ki niti. I lukela kuba teni.

⁶³ Mi cwale ha lubona Sika ha si tahiswa, Ni sepa kuli, kufita kuli lu mate fela kuikela, kuli, “Ah, bukuba! Hani koni ku lumela nto yecwalo Yani. Hanikoni ku lumela Sani,” kiñi hamusa ikungeli Bibele, ni kuinafafasi kutalimana ni Yona? Ku I bala. Muteni mwa mukopano wo cwale, mu I talime fela hape. Mu I tatube fela, mina bañi, ka Linzwi. Mu tatube Linzwi, ka Linzwi. Yani kona nzila fela inosi ya ku I bulela kuli ki Niti. Mi I lukela kubulela Niti, kuzwa kwa Genese kuya kwa Sinulo.

⁶⁴ Kreste ki yena sinulo ya Bible kaufela ka kutala. Ku Yena, Kreste, mutalelela kamukana. Mutalelela wa sipolofita kaufela sa Bibele u kopani kusina mulao ku Kreste Jesu, kakuli Nali Mulimu yana bonahalile mwa nama.

⁶⁵ Cwale ha lu fumana lika ze, niteni, ha lu swabiswa ni kutaha mwa mukopano, ni kubona Mata a Mulimu ha zamaya ni kueza lika, ni kueza lika za buipiteli, ni kulibona ha li petahala, ni kutalima mwa Bibele ni kubona kuli li sepiselizwe hola ye; mi cwale ha lu bona lika zani, konakuli lwa swabiswa ka buikalabelo bwakuli lu i amuhele kamba kutokwa, Ni talusa kuli, ka luna baña.

⁶⁶ Cwale, batu babañata ba utwanga makeke, batu babañata ba bulela kuli kulukile. Kono sani hasi—hasi ezi kuli ibe . . . Sani ha ki sona se mu ikalabelo ka sona. Sina ha Ni bulezi, ku cwani kambe kuna . . .

⁶⁷ Kambe Ne nili mushimani yomunyinyani, mi ni bata musali, wa ku nyala; mi fa ku yemi musizana yana ka fita fa mayemo kaufela o Ni nahana kuli a swanela kuba a musali. Kiñi, ka mayemo a muikutekelo ki mukwae luli, mi ya lateha, mi—mi wa butu bo bunde, Mukreste wa niti, lika kaufela ze ne Ni ka nahana, kuli abe musali yomunde wa kunyala ku na. Hakuna taba ka mo Ni bulelela kuli u petehile, yena uiketile luli, ha ki wa ka konji Ni mu amuhele ni buikalabelo bwa hae kakuba musala ka.

⁶⁸ Yani ki taba yeswana ni mo liinezi Liñusa. Wa kona kubulela kuli, “Ku lukile, kamba *se*, *sani*, kamba *sesiñwi*.” Ni kubulela

kuli, "Na utwa makeke ka Zona. Ni lumela kuli Ki Niti." Kono ulukela ku I amuhela; mi I swanela kuba siemba sa hao, mi ni wena u siemba sa Yona. Una ni ku . . . Mi, Iba ya hao.

⁶⁹ Ha u ka nyala musali ya cwana yo ketile yo, fohe mu—fohe mu nto iliñwi cwale.

Mi yani kona nzila mo mu inezi ni Kreste. Ha mu Mu bona ha iponahaza ni ku ezwa kuba wa niti, fohe muba siemba sa Hae, mi ni Yena ki siemba sa mina. Mi, hamoho, mu siemba sa Liñusa.

⁷⁰ Oh, ki lisepe zekai za likopano ze lu nani ze ya kwa Tareshishi, za bo Jonasi ba mazazi a, ki ze mianda ye ketalizoho ka yemine mwahala zona, sesiñwi, ki lisepe ze ya ka nzila ye bunolo. Ha mu tokwi ku talimana ni zona.

Jonasi na sa lati ku talimana ni zona, taba ya kuya ku Bamacaba. Na sa tabeli kuisa Liñusa leli buhali lani ku fani, "Ka mazazi a mashumi amane, muka shwa haiba ha mu baki." Na si ka tabela kueza sani. Mi a hupula ali, "Bani Bamacaba, ba tata kuba bulelala se ba ka eza ku na." Kono nana ni ku talimana ni zona. Mwabona? Kono yena anga sisepe se si bunolo ni kuya ku shetumukela kwa Tareshishi, akena mwa mba ya sisepe ku yo lobala; anga nzila ye bunolo.

⁷¹ Ki nzila ye bunolo, ki nzila ye zibahala kwa sicaba. Ku bunolo kunga nzila ya kuli mañi ni mañi akone ku kunata-nata fa mukokoto ni ku bulela kuli u mulikani yomunde, "Mi se si *cwana-ni-cwana* ni sakuli," mi lifasi li ka mi talima. Ku bunolo kuya ka nzila ye zibahala hahulu.

Kono cwale—cwale ha mu lemuhile kueza nto yeñwi ye shutana, hamuna ni kuyema ka ku ikolwisisa kwa mina ka se muziba kuba Niti, kwani kona ko kuna ni siemba se si tiile, kwani kona ko kutaha ku swaliwa, ona fani.

⁷² Oh, sina ha lubile opelanga kamita pina ya kale yani:

Ku bunolo cwani ku zamaya fa liwate, mi ku
kuize,
Ku sepa lizoho la Jehova leli mata.

Kono, oh, mutuhele kuli mañungwa akale kufuka, mutuhele—mutuhele liñungwa li fuke ni ku kasha mandinda, konakuli mueza sikamañi?

⁷³ Nto yeñwi sina hane Ni bulezwi, nako yeñwi, yana bulezwi kalibe. Kwani kwa mulaho mwa mazazi a pelesa ni koloi, yana bulezwi kuli pelesa ne i matile ni yena, hana zwa kwa keleke. Ali, "Ki sikamañi so no ka eza?"

⁷⁴ Ali, "Ne ni sepa Mulena kufitela mihala ipumeha." Kihande, yani kona nako ya ku sepa Mulena, kasamulaho lika kaufela . . . kasamulaho mihala ha ipumeha. Mu sepa mwa mihala kufitela i pumeha. Eeni.

⁷⁵ Mi ki fo lufumana kuli luna ni linzila ze bunolo za kuya ka zona, lisepé ze shetumukela kwa Tareshishi, kakuli ku bunolo, ze sina musebezi. Li ikukela fela, muna ni lika kaufela ze itahela; mutu ni mutu wa mi tabela. Mi, mutu ni mutu, mu ba . . . Hakuna ya mi kananisa; ha mu kanani ni mutu. Cwale, haiba seo ha ki lisila la kutapiseza mikeke! Yeo ki niti. Eeni, ku kashiwa, ku kuka! Kiñi, mañi ni mañi, Hanina taba kuli u mañi, ni so yemela . . . Kaniti, batu baba nahana hande ka kuiketa baka nahana hahulu za hao haiba uka yemela buikolwisiso bwa hao ku se si lukile. Luli. Haba bilaeli . . .

⁷⁶ Munge musali, mwendi hakoni kuba ya buheha hande, ni seo ali sona kaufela; kono mu tuhele musali yani ayemele liswanelo za busali sakata, a yeme sina kalibe; mi haiba muuna una ni mayemo sakata a siina, uka munga kalibe yoo. Kaniti. Lu itumela kwa sika sa—sa nani mutu, ya ka lumela kuli ki niti ni ku yemela sa nahana kuli si lukile.

⁷⁷ Kamo ku fokolela, sani kona sebali sona Bakreste kacenu, ba bunolo hahulu inge mulola ni lika kaufela, kufitela haba nahana fela kuli ze ba lukela kueza ki ku ikopanya kwa keleke, kuya kokuñwi, kubeisa libizo la bona mwa buka, kamba kueza taba nyana yeñwi, kutulela mwahalimu ni mwatasí, kuhuwa, kamba—kamba sesiñwi se si cwalo, ni ku si biza kuli Bukreste.

Bukreste ki bupilo bwa zazi ni zazi, bo bu tata, kupilela Mulimu mwa . . . lifasi la kacenu le. Ki kutuka kwa Mulilo ni lilato la Mulimu ka tundamo, mwa pilu, o mi tumbula ni ku mi beya kwande ni sicaba, ni kutisa babafetulwa ku Kreste. Misebezi.

⁷⁸ Kono ku bunolo kuya ka nzila ye liya lifasi. Ku bunolo kububela kwa njetumuko ya nuka.

Mu zwele kwande kwani mi mu yo ina fa nuka, ni mukolo wa mina. Munge lilabo za mina ni kukala kufuluhela ko kuzwelela mezi; hamuna kunga nako yetelele, mi kukala kuba tata. Kono mu tuhele fela kwa lilabo mi mu ka bona kapili mo mu ka fitela mwa likota, kuya ka kushetumuka, kono mutualime ko musweli kuya!

Mi lika halisweli ku zamaya ka bunolo, muhupule, muya kwa neku la—la sibuba sesituna kwatasi kwani, ka mukwa omuñwi. Muya kwa neku la sibuba, mi hamuna kunga mufumbo muka ipumana kwabuse bwa sibuba sani. Ku cimbauka fela ni lifasi, ka bunolo, ona cwalo mo li zamaela, ha mu tabeli sani. Batili, sha. Kono mu lukela ku—. . . itumelela musebezi wa mina.

⁷⁹ Cwale, mwa Li lumela, mi mukaba ni—. . . Mu nahane kuli Ki Niti.

⁸⁰ Mi musebezi wa lu file Mulimu mwa lizazi le, wa kutisa Liñusa le! Mi ha Ni nze ni supala, Ni ziba kuli mazazi aka a kusufala, Ni ikutwa kuli musebezi uba bukiti kufita sapili mo ne Ni utwelanga. Ku zwelapili, lu swanela kueza seo! Lu swanela

kuya mwataswa ona, mwa lika kaufela mo lu ya, ni kubulela Liñusa; mi—mi ni kubulelela batu kuli Jesu Kreste wa taha, kuli ki Yena Mulimu mi Wa taha cwanoňu. Hakuna nihaiba—hakuna nihaiba sepo ye siyezi mwa lifasi kwanda Kutaha kwa Mulena.

⁸¹ Ka kutilima kwa mulaho kwani kwa balikani babaňwi bene bali nina fani Lingeloi la Mulena . . . Bashimani ba basweli kutaha ba, Ni lumela kuli ne ba fumani sibaka kone si ezahalezi kwani. Mi muhupule fela sana bulezi Mulena zazi lani, ku Muzwale Wood. Nasweli kupahama lilundu. Mi—mi na nza lila, bakeňisa musala hae yana kula. Mi Mulena ali, “Nopa licwe leo mi uli yumbela mwa halimu, mi ubulele kuli, ‘KISONA SA BULELA MULENA.’” Mi Na eza cwalo. Mi Muzwale Wood uteni kakuba paki.

⁸² Mi se Nili, “Muzwale Wood, hakuna kunga nako yetelele uka bona sika se si ka ezahala.” Mi ka zazi le litatama, hane lu sa yemi fani, luna kaufela hamoho . . . Mi sikwata sa baana bani bayemi mwahali mo busihu bwa kacenu.

⁸³ Mukutazi yomunyinyani naliteni kwani, mi nali wa . . . Ne ni lemuhile . . . Ne ni sa zo mukatana fela busihu bone buzwile kwateni. Nali mwa mukopano wa luna. Na tile ku toba ni luna. Mi ki hali ku na, ali, “Muzwale Branham, kana wa bonanga lipono, sina cwana?”

⁸⁴ Se nili, “Eeni, sha. Kono Nitile kwanu ku to li tokolomoha, ka mukwa wa kupumula nyana.” Ki hali . . . “Kihande,” Se nili, “Ni—Ni . . . Kaniti, Wa ni bonisanga lika kwande kwanu.” Mi se Nili, “Ona kwa buse fela bwa lilundu kwanu, kone ku bonahalezi Mangeloi a supa kwani.”

Mi ali, “Eehe, Na utwisia.” Ali, “Ne nili alimuňwi wa batusi ba mukopano wa hao mwa California.”

Se nili, “Kihande, Ni tabile hahulu ka kuziba cwalo.”

⁸⁵ Mi hane ni sa yemi fani, ona fani fela Na talima kwa ni kwa mi Na bona dokota yomukima yana na mu talima mwa meeto, mi Na mu utwa hali, “Uka latehelwa ki liito leo, kakuli kuna ni butuku mwani. Mi Ni li tatubilwe ka lilimo zepeli, mi uka latehelwa ki liito leo.”

Se nili, “Libaka lo ni bizelize seo, kakuli dokota wa hao na ku bulelezi zazi leliňwi kuli no ka latehelwa ki liito leo.”

Mi ki hali, “Yeo ki niti,” mi atalima kwa ni kwa *cwalo*.

⁸⁶ Mi se Ni bona bo mahe haba tubula leliňwi la masokisi a bona ni ku zusa lihutu fande, ni tusolondo nyana mwahala minwana ya mahutu a bona, fahalimu ni mwataswa a lihutu la bona; mi bali, “Haiba ubona Muzwale Branham, umu bulelele kuli alapelise lika ze.”

Se nili, “Bo maho ne ba mu file . . . neba zusize lihutu la bona sina *cwana*, mi a bulela kuli neba nani . . . neba nani tusolondo

kwa minwana ya mahutu abona—abona kaufela, ni zeñwi cwalo; mi ali, ‘Ubone kuli Muzwale Branham alapele.’’

Ki hali, “Muzwale Branham, yeo ki niti.”

⁸⁷ Na talima kwa mulaho. Hane Ni talimile, Na mu bona inza yemi kwani ali ku ni talimela, inge *cwana*, ni meeto a hae inza benya luli. Ne ni mu katani litabula le; nana ni meeto amande kufita mutu kaufela mwa mukopano. Mulena na mu folisize ni ku mu eza hande.

⁸⁸ Hane Ni sa yemi fani cwalo, Mulena ali, ani bonisa sene si ka ezahala. “Katulo i libelezi kunata kwa Likamba la Wiko.” Mi ki Hali, “Zamaela kwani, bukaufi ni ko ku tumbuzwi mulilo.”

⁸⁹ Mi ne Ni sweli focolo mwa lizoho laka; na ya teni kwani. Mi Muzwale Roy Roberson, luna kaufela lwa mu ziba kwanu. Haayo mo busihu bwa kacenu, ka mo Ni zibela; uinzi kwa Arizona kwande kafoo. Ki muina sipula wa basepahali kwanu, mi Ni mu zibile kakuba muika wa kale. Mi sesiñwi ne si ka ba ni ku ezahala; kakusasana omuñwi omunde, o kuzize, mwendi ka teni kiloko mwa kakusasana. Bashimani kwani kaufela, lishumi kamba lishumi ka bababeli mone lu inezi, ku pahulula litende, ni ku buha matalo a likulube, ni zeñwi. Kacwalo lwa... Na zamaya kwa ni kwa, se Nili, “Roy, ipate, kapili. Sesiñwi si libelezi kuezahala.” Ne ni sa koni kumu bulelala zeñwi hape. Kono ka nako fela yene Ni fitile kwani... .

Mi kuzwa kwa lihalimu kwa taha kakundukundu ka Mulimu, ni ku kambela, cwalo, ku to nyunga malundu, ku matela mwahala lilundu lani, ku to sehulula siemba kwa matuko a lona, mwendi ka liñokolwa ze ketalizoho fahalimu a toho yaka, ni ku pumaka likota kaufela fahalimu, macwe hana sweli ku gefauka cwalo. Wa ya mwa halimu ni kukuta mwatasi hape, ka kolobezo yeñwi yetuna, ni ku yo nata mwahala lilundu, ni ku nepela macwe kafoo sina cwalo. Wa eza cwalo halalu, mi hape ni kuya mwa halimu.

Mi Muzwale Banks ataha ku na, ali, “Sani kona so no bulezi maabani?”

Se nili, “Eeni, sha, sani ki sona luli.” Mwabona?

⁹⁰ Mi cwale mazazi amabeli kasamulaho wa sani, Alaska ya bata, kutiba, kwahalimu kwani. Mi mwahali ni mwatasi kwa Likamba la Wiko lani kubile mishika ni lizikinyeho, ni lika kaufela za ezahala. Mi leliñwi la mazazi a ika tiba mwatasa liwate. Luli. Ki sikamañi seo? Lu pila mwa nako ya Kutaha kwa Mulena.

⁹¹ Lu bona ku tamahana kwa mikwa ya litumelo ni zeñwi ha linze ku taha, ni lika ze kaufela zeshutana, lu ziba kuli kuna ni kuba kalabo ya niti ku se.

Kuna ni sicaba kwanu mwa na ha cwale, ba ba kena mwa mañope ni zeñwi, "Mi ka la 16 Liatamanyi," mu i balile mwa mutende kuli, "Mulena wa taha." Mu ziba kuli sani ha si cwalo.

Jesu naize, "Hakuna mutu ya ziba muzuzu kamba hola."

⁹² Halu bona lika ze kaufela, ni zeñwi ha li ezahala mo li ezahalela, mi ku lukela kuba kalabo ya niti kokuñwi. Ku lukela kuba Niti. Kuna ni iliñwi, upa; ni wiko, iliñwi; kono kuna ni upa wa kwa mboela kulikuñwi, upa wa kwa mboela, ni wiko wa mutulo, kamba nto yeñwi. Kono ku lukela kuba kalabo ya niti, kokukuñwi, kwa butata. [Hakuna manzwi fa tepu—Mu.]

⁹³ Ku picuka se? Lu swanelu ku bulelela batu kuli lupila mwa lihola za Kutaha kwa Mwana Mulimu. Lu bata—lu bata ku tona mi (Mulimu) a zamaye, ka nako kaufela, lu itukisize kufa mutu kalabo ye lukile.

⁹⁴ Kubile ona cwalo kamita. Ki—ki ze bile ku mutu, ya picuka kuzwa ku Mulimu, kuzwa fela ku Adama, mwa simu ya Edeni. Fani Adam hanali mwa simu ya Edeni, hana tile kwa buikalabelo bwa kuba ni keto ya hae, kikuli na ka ina ni Mulimu kamba abe ni musala hae? nana ni kuba ni buikalabel—... nana ni kueza sani, haili—haili musebezi no itingile ku yena. Nana ni kunga sana bulezi musala hae kamba sana bulezi Mulimu. Mi fani hana ketile kuya ka nzila ya musala hae, mi ha na ezize sani, kona kuli a latehisa buino bwa hae bwa makalelo. Mi a kenya lifasi kaufela mwa lifu, fani hana lukela kunga musebezi, kamba ku amuhela liseli le linca lana fumanu musala hae, lene li shutana.

O Mulimu! Munahane ka zona. Mulimu naba file fela Manzwi akona kulikana eiti kamba lishumi kuli ba a mamele. "Kono haili kwa kota yani musike mwaca kuyona." Ki sona fela sene ba lukela ku buluka. Mi mane nihaiba ka ona Linzwi lani fela, ba Li loba.

Mi cwale Adama nana ni kuketa, "Fa Ni eze nji, Ni eze sina musala ka mwa ezelize, kamba Ni eze sa bulezi Mulimu kuli eza?" Mi aikela ni meeto a hae inza lutukile. Nana ni ku ikungela buikalabelo. Sani sa to kenya lusika lwa batu kaufela mwa lifu.

⁹⁵ Mi cwale kwa taha Adama yomuñwi cwalo, yana li yena Kreste, hakusikaba kale ya swani ni Yena! Yomuñwi na bulezi kuli yani Ne si Mulimu? Buipiteli bwa hae ne bupakile kuli Na li Mulimu. Ne ku sina sibupiwa sene si pilile sina Yena. Na pilile mwa lifasi la ka Yena muñi. Na pepilwe kwanda buino bwa nama, mutu wa sibi. Haleluya! Nali yena Mubupi yena Kasibili yana ezizwe mwa nama.

Ki mañi yana ka yema fa Na yemi? Ki mañi yakile abulela sina Yena? Ki mañi yakile abulela lika za bulezi Yena? Ki mañi yakile aeza lika za Na ezize? Buipiteli bwa hae ne bu pakile kuli Na li Mulimu. Ne kusina mupolofita kamba nto ifi kaufela yene ka eza sa Na ezize; Ki mañi ya kile abiza bafu kuzwa mwa libita, mi Ki mañi ya kona ku tuhelisa mahalimu, ni kueza sika kaufela

sa Na bata kueza. Nali yena Mulimu. Ki mañi ya kile ayema mwa sibaka sa Hae? Ki mañi? Ki sikamañi sa Na kaba sona kwanda kuba Mulimu ya petehile yani, yena ya sa shwi, yana ezizwe nama ni ku to yaha mwahala luna!

⁹⁶ Hakuna se si kile sa bapiswa ku Yena. Na pilile mwa lifasi ka Yena anosi. Hakuna mutu ya kile abulela inge Yena. Ha Na kwaluzi fela mulomo wa Hae, nekuna ni sesiñwi ka zona, sene si shutana ku mutu ufi kaufela. Yomuñwi na bulezi kuli Na li fela mutu sina batu kaufela; Na nyaza sani. Nali yena Mulimu. Sani kona sa Na li sona. Kakuli, hakuna mutu ya kile abulela sina Yena, hakuna mutu yana kona kubulela inge Yena, kakuli Nali yena Linzwi Kasibili le li ezizwe nama, ponahazo ya mutalelela wa Mulimu.

⁹⁷ Ni ka lumela, bapolofita bani neba na ni liñusa la bona. Neba na ni bona kwani; bana ni bona cwale. Kono ne kuna ni mutalelela wa toho ya Bumulimu ka mubili, bone bu talelezwe kwani. Nali yena Ya ipitezi, mi Nali yena Ya na nani ku talimana ni litaba. Ka mata amatuna a Hae kaufela a Na bile ni ona, kuli Na kaba yena mulena wa lifasi ka kusepahala. Uka ba yena; mi Yena, kwa balatiwa ba Hae, U cwalo ona fa.

⁹⁸ Na yemi fani. Ki mutu mañi ya na kaba mubotana, yana sina sibaka fa ku sameza toho ya Hae; yena mane yana zibile koo tapi ne i mizize sheleñi ya muwayawaya? Ki mañi, ki mutu ya cwani ya na ka nga linkwana zetuna zani za mezi ni ku li fetula kuba veine, kanti atokwe sibaka fa ku samela toho ya Hae? Nana ni kutalimana ni musebezi yene filwe mwa lizoho la Hae. Ki mutu ya cwani yana konile ku zusa mutu mwa libita, kasamulaho amana kushwa mazazi amane mi a bola?

Kana Na sike ku ipilisa Iliyena? Luli, Na ka kona; kono kambe Na ka eza cwalo, Na si ke ku lupilisa luna. Nana ni ku talimana ni musebezi, mi bakeñisa ku utwela kwa Hae kwa Linzwi! Koo, kusa utwela kwa Adama, mi aya ka nzila ye kuswani, yona—yona nzila yeya kwa Tareshishi. Kono Jesu aya ka nzila ye libile kwa Ninive, ku Bamacaba, kuli ayo ikungela Munyali wa wa Hae. Ni tabile kuli U ezize cwalo, busihu boo. Lu swanelia ku talimana ni niti, kuli lu ba Hae, muise lifasi kafoo. Amen!

⁹⁹ Mutu ni mutu nana ni kulibana ni zeo, yana ni musebezi fapila Mulimu. Lunga fela, ka mutala, Nuwe. Na nani. Nuwe, Mushe, Elia, ni babañwi kaufela baba siyezi ba—ba lusika ni lusika, neba na ni ku talimana ni musebezi wateni. Mi ne ba nani ku u eza, kono lani kona libaka hane ba lumezwi mwa hola yani.

¹⁰⁰ Mutualime ku Nuwe mwa lusika lwa hae lwa sayansi, ka mwa na bezi ni ku talimana ni taba yateni yeneli ya za sayansi hahulu. Kiñi, nekusina nihaiba li—li—li libaka la kuli lusike lwa ba ni sayansi... Mwabona, neli—neli ku sa ba za sayansi, nitaluse. Kiñi, neba bulezi kuli ika nela kuzwa mwa lihalimu. Neba sina

pula yene i nelanga mwa halimu. Cwale, nana ni ku talimana ni zona. Mulimu na bulezi kuli ne ika nela. Mi kipeto ki ha . . .

¹⁰¹ Cwale tumelo ye sina misebezi i shwile; haiba mu bulela kuli, “Na si lumela,” mi hamuezi kezo ni yekana. Kuswana fela sina Liñusa, haiba mu li, “Na si lumela,” ha muezi kezo ka zona, ki bunde bufi bo inani? Mwabona? Nuwe nailo sebeza ka sando ya hae ni kuyaha areka, ili kupaka sa na ambola fateni. Seo kona se lu lukela kueza, ni luna. Lu swanelia ku ya kwa kusebeza, ili kupaka tumelo ya luna, ka misebezi ya luna. Misebezi ya luna i paka tumelo ya luna.

¹⁰² Mushe nana ni ku ueza, ni Elia na u ezize. Mupolofita kaufela mwa lusika lwa habo nana ni kuyema ka ku talimana ni musebezi. Kono buñata bwa bona neba si ka eza sina Jonasi. Yena na matile; bona ne ba si ka mata.

¹⁰³ Mulemuhe, “Kuhuwa ka kunyaza.” Oh, mawi! Ki fo he cwale. Yani kona tuto, “Kuhuwa ku nyaza.” Sani kona siemba sa kutatuba ka sona.

Kuya fela kwani ni ku yo bulelela batu bani, “Kuli, Ni tile ku to kopana ni mina balikani. Mwa ziba, Ni sepa Ni ka mi bulelela se Ni ka eza. Nina ni fela taba nyana fa yeo Ni lumela kuli Ni kona ku i eza kuba . . . yekona ku lutisa kaufela luna hamoho, ni kueza *se, sani, kamba sesiñwi*.”

Kono, neli kuli, “U tabe mukosi,” ha u na ni kuhuwa kunyaza sika. Cwale, nana ni kuhuwa ku nyaza sika kaufela sene si liteni kwani; ku huwa ku nyaza munzi, ku nyaza misebezi ya bona, uheweze ku nyaza keleke ya bona, uhewe ku nyaza bapolofita ba bona, uhewe ku nyaza bakutazi ba kutazi ba bona, huweleza ku nyaza baprisita. “Uhuwe ku nyaza zeo, taba yateni kaufela! Uhuwe ku inyaza utabe mukosi!”

¹⁰⁴ Nuwe na huwile ni ku nyaza lusika lwa hae. Luli, na ezize cwalo, ku omanya likeleke za lusika lwa hae.

Mushe ka ku sepahala kuli na omanyize lusika lwa—lwa hae; bona batu, bapirista, ni zeñwi cwalo. Na huwelelize mwa mikwa kaufela mwa lihalupa. Makopanelo kaufela, a huwa, k a tundamo ku nyaza sicaba.

Elia na sa zibahali mwa lizazi la hae, kakuli na huwile ku nyaza lusika lwani. Kaniti neli cwalo.

¹⁰⁵ Joani Mukolobezi na sa zibahali kuba wa kabubo mwa lusika lwa hae. Na huwile ku nyaza lusika lwa hae. Na bulelezi mulena, yena—yena mubusisi wa—wa naha; yena—yena nabile ni, na nyezi musala munyana hae. Na ilo kutaza fa linyalo ni telekano, kakusasana omuñwi. Kacwalo a huwa ku nyaza zani, ki hali, “Ha ki swanelia kuli ube ni yena.” Ne li mu tiselelize, mane toho ya hae ya pumiwa kwateni, kasamulaho, kono na huwile ku nyaza ni kuyemela sibaka sa musebezi wa hae.

Na si ka ya ka sisepe sa kwa Tareshishi, ni kubulela kuli, “Kihande, Ni ka lumelelana ni wena, Heroda. Ku lukile. Ibile fela unahana kuli ki musali yomunde, uka ba musala hao yomunde, zamaya uzwelepili.” Oh, makeke. Masila a ku tapisisa mikeke ani, mwa bona, eehe, taba yenyinyani fela . . . Kiñi, ha ki nto isili konji ku tapisisa fela mikeke ka sona.

¹⁰⁶ Kono, mulemuhe, Joani na si ya cwalo. Na talimami hande ni zona. Abulela kuli, “Ha ki swanelo kuli ube ni yena.” Eeni, sha. Mi ayema ku lwanisa za teni.

¹⁰⁷ Neba si ka mata. Joani na si ka mata. Ne ba yemi ni ku talimana ni niti. Mushe na likile kumata, nako yeñwi, sina Jonasi, kono Mulimu a mu kutisa. Buñata bwa bona ba likile ku sabela kwahule ni zona; ne ba ka kalisa . . .

Kono, mutualime, haiba nji Mulimu uku bizize, mi muna ni niti kuli Mulimu u mwa Liñusa, hakuna se si ka mi kutisa mwa mulaho. Ne si si ka kutisa Jonasi mwa mulaho. Batili, sha.

¹⁰⁸ Amosi wa kale, ku huweleza, kuli, “Tau i bopile, ki mañi ya si ke kusaba? Mi Mulimu u bulezi, ki mañi ya si ke kupolofita?” Ki mañi ya si ke kupolofita, mi ha mubona Mulimu ha bulela mi na kubulela kuli taba yeñwi ika ezahala, mi ki yani faale?

¹⁰⁹ Tau ha i bopa, mañi ni mañi wa saba, eeni, sha, haiba mukile mwa utwa yeñwi ha ibopa mwa mushitu. Mwakona kuutwa ze lilanga ze mwa litantwe kwanu, litau za kuuta zani, kono mu lukela ku utwa ya niti, ya mwa naheñi i bope nako yeñwi. Macwe a manyinyani a kawa kuzwa fa lilundu, butelele bo bulikani ni liñokolwa ze mianda iketalizoho kwahule. Ni bata kubona ko ku zwelela ona zikinyeho ya njikunjiku mwa maswafu. Mi kipeto iwisa toho ya yonafafasi, inanulela boyo bwani mwa halimu; Nali kuba ni utwe sika kaufela . . . Inge fela-fela tobolo yesweli kulila, ha i ka zusa mulumo omutuna wani kuzwa mwa maswafu a yona. Ki mañi ya si ke ku saba?

Ba li, haiba mukile mwa bulaya tau, hakuna butuku. Ika mi sabisa kufita lifu isika mi swala kale. Mwabona, ha mu na kulemuha. Ika mi sabisa ka kubopa ko kutuna kwani ko ku sabisa, mi kipeto ya mi pazula mwa liemba emba fa muzuzu nyana.

¹¹⁰ Na bulezi kuli, “Tau ha i lila, ki mañi ya si ke kusaba? Mi Mulimu ubulezi, ki mañi ya si ke kupolofita?” Ha mubona Mulimu ha eza sika, mu li . . . “Na mwendi hanikoni kuba mupolofita . . .” Jonasi naize . . . “Na mwendi hanikoni kuba mupolofita, kamba mwana mupolofita. Kono Mulimu ubulezi, ki mañi ya si ke kupolofita?”

¹¹¹ Mwendi hanikoni kuba mupolofita, Hanikoni kuba *se, sani*, kamba *sesiñwi*. Ha Ni bona Mulimu haeza sika kaufela, mi Ni si bona ni mwa Linzwi mo, mi Ha si sepisize, ki mañi yakona ku ikwica ni ku kuza? Kaniti, U si ezize.

¹¹² Kamba mane halukoni kuipata kwa mulaho wa lituto za litumelo ni tutengo to kwanu kaufela, ni kushetumuka kuya kwa—kwa Tareshishi. Halu lati kuya ni tutengo twani.

¹¹³ Kono babañata, sina Adama, baezanga lika zeswana, balika kuezanga ka nzila ya kuyolisa, balika kufumana nzila ya kuzwela, ni—ni kueza ka kuyolisa, haba talimana ni Mulimu. Kasamulaho amana kuziba bumaswe, ha sa talimani ni Niti, aya ni musala hae mi ba yo eza sa na ba bulelezi Mulimu kuli basike ba eza. Na ile hande ni ku yo eza ona cwalo, nihakuli cwalo. Mi cwale aipumana kuli nali mapunu, musali ni muuna, ba babeli, mwa simu ya Edeni. Meeto a bona a kwaluha. Ne ba zibile sesinde ni se si fosahalile, kanti. Mi cwale a lika ku fumana sa kuyolisa, kuli aikapese ka sona.

Cwale, cwalo kona mo lu ezezanga kacenu, kuba buinyazo, kuli, “Kihande, Na ku bulelala, kambe neli *kwanu*, kamba kambe se.” Kamba, “kambe, kambe, kambe,” sani fela ki... Mwabona? Kono mu lukela ku talimana ni zona. Ikana ya ba bunde kamba mafosisa. Mi haiba si lukile, ha lu pileni ka sona. Haiba si fosahalile, mube kwahule ni sona. Ku felile. Mube ni... Mu batisise se si lukile. Ha mu tokwi ku libelela ni hanyinyani. Halu fumaneñi cwale taba ya Niti mi ni ye lukile, mi lupile ni yona. Lu ziba kuli ki niti.

¹¹⁴ Cwale, lu fumana kacenu kuli sicaba sa luna si... Ku bonahala kuli busepahali kaufela bu zwile mwa likeleke. Ni... Mwahali mwa...

¹¹⁵ Lu pila mwa ndu kwani ya kezeli yomunde ya tahanga kwa keleke ye. Yena mwendi uteni mwahali mo busihu bwa kacenu. Mi usweli ku ifa ku baba ka ina mwateni... ona sicaba. Mi ubile fela yomunde hahulu ku luna ka sibaka sani, ka ku lutuhela kuli lube ni sibaka sani. Mi kacwalo Ne ni ka biza libizo la hae, kono hakoni kutabela kuli ni eze cwalo. Mi ubile yomunde hahulu ku luna, hape, kaniti ha lutabeli kuli lumulu swabise. Kono ubile, musali yomunde hahulu. Mi mwa ndu, ne kuna ni televishini kwa neku leliñwi. Luna ni mandu, amabeli, aswalani kulo kulikuñwi.

Nina ni lubasi lo lutuna, ni sikhata sa banana, mi luna... mi mwa—mwa ziba, mi ba lukela kuba ni mimbeta, mi ye miñata luli. Mi lika kaufela li bundekilwe fahalimu, mi mulukela ku zamaya ku *ze* ni ku *zani*, fa kukena mwahali ni kuzwela fande.

¹¹⁶ Mi cwale kwabuse kwani neba nani televishini. Mi mwa televishini mo, banana ba se bakala kubuha, la Sunda kakusasana, mufuta wa pina yeñwi ya kala kuut wahala fani. Mi, mwa ziba, ne—ne lika mi utwisa maswabi; kambe nekusina Mukreste wa niti kokuñwi yo ne mu ka beya mazoho a mina ku yena, kubona se si bizwa Bukreste. Kiñi, ku bonahala kuli busepahali kaufela bu zwile mwateni. Kiñi, haba sana, haba sa bonahala ku... Kiñi, ki nto fela yemaswe ka mukwa oba

yemela fani ni kuputa liñindi za bona ni ku itwanisa yomuñwi ni yomuñwi, ona fani, mi balika kuopela lipina ni zeñwi ze cwalo; ni kubeya lisheha zakuli nihaiba muzamasi wa sisepe akona kubulela, ni kubulela mifuta kaufela ya lika, ni kubapala ni kuzwelapili. Mwa ziba, kuperahala kwa—kwa—kwa Bukreste ku bonahala kulatehelwa ki sibaka sa kona.

¹¹⁷ Cwale, Ni ya kwa keleke mi—mi ni bona mulisana ha ya kwapata cwalo ni ku yo zibahalisa kuli kuna—kuna ni kuba papali ya—ya kutapa mwa nuka. Basali kaufela mwa liapalo za kutapa ni zona ze, kaufela bona ba ya teni kwani. Ba kaba ni kangisano; basali ba, ya kutapa. Mi ba kaba ni—ni mukiti omuñwi cwalo, mi ba ka halika likuhu zeñata—zeñata hahulu, ni kubapala papali ya buncu, ni—ni lika ze kaufela ze cwalo. Ku na, sani si lwala busepahali bwa niti kuzwa mwa Bukreste; kufela ni sika sesiñwi.

¹¹⁸ Ni boni, hane ni taha kwanu, lu fumani kuli... Mwa ziba, lu fumana kuli buñata bwa likezeli za luna batina tuputula, ona mwa naha ye bata ya kwanu ye, kufita mo mu ka ba fumanela kwabuse kwani mwa naha ye cisa yani. Mwabona, ki niti. Kwande kwani kwa cisa luli, ha ki babañata baba tinanga zani. Kono kwanu, ko—ko kubata cwana, ba—ba ezanga hahulu. Mwabona, ki, haba lemuhi kuli ki diabulosi ya eza sani. Mwabona? Cwale, hane uka bata kuipulusa, kamba ki kuli uyeme sina mutu, ne ku ka shutana. Ube muuna, Ni sepa ku bonahala bukuli ku muuna, kono—kono muka—muka—ne mu si ke kuiseza ngana ku muuna. Kono, kalibe kwateni, yena—yena mibili wa hae wa kutekeha, mi ulukela ku ipuluka ona cwalo. Mi ka kubona babahulu...

¹¹⁹ Mwa kona kubona, batu kacenu. Kuna ni mioya yemibeli. Mi omuñwi wateni ki Moya o Kenile; omuñwi ona ki moyo o si ka kena, mi mutu u busiwa ka sona. Mi bubeli bwa yona ki ya bulapeli. Cwale, eehé, sani kona siemba se si nca fateni, sibeli sa yona ki ya bulapeli. Mi sina fela Esau ni Jakobo mo ne ba inezi, sibeli sa bona ba bulapeli; sina Kaine ni Abele mo ne ba inezi, sibeli sa bona ba bulapeli; sina Judas ni Jesu mo ne ba inezi, sibeli sa bona ba bulapeli, sibeli sa bona ba bulapeli. Mi lwa li bona kacenu, maneku amabeli, mwa bulapeli. Mwabona, ki moyo o swana. Batu ba shwa, kono moyo ha u shwi. Ona wa zwelapili unzo pila, sibeli sa bona ba bulapeli.

Yomuñwi wa bona utaselizwe ki Moya o Kenile, ya pila bupilo bwa mufuta wa lukela kupila, mi uzamaya ka bumulimu ni ka kusepahala. Haba koni ku kufita kwa masheleni, mi ba—ba eza lika kaufela ka kusepahala ze ba kona kueza, kwa ku mi tusa. Mi babañwi baka... Ka bunde fela mo ba kona kubela.

Mi babañwi, lu fumana kuli, zona za shutana fela. Mi, ibo, sibeli sa yona ki mioya ya bulapeli, yemibeli ya yona; omuñwi, ki Moya o Kenile; mi omuñwi, ki moyo o si ka kena. Mi haiba

mu ka lemuha, uka, ni ha u ipapata kuba wa bulapeli, ba ka mi seha ni ku mi biza mupikuluhi ya kenile. Baka eza sika kaufela se bakona.

¹²⁰ Bona, ka ku sa tokomela kwa—kwa Linzwi le li sa cinci la Mulimu, inge kuli Lali kuba liñolwe.

Mwabona, mwakona ku bulela kuli, “Cwale, mutualime kwanu, haiba—haiba kolobezo . . .”

“Nina ni Moya o Kenile!”

“Mi ka kuyema fani ni kwai yani mwa lizoho la mina, inge mu zuba?”

“Eeni, Nina ni Moya o Kenile! Hanisepi kuli kuna ni mulatu kunwa kwateri hanyinyani. Hanisepi kuli ki . . .” Mwabona?

Mi kana mulemuhile, “*Hani nahani cwalo*”? Kono Mulimu unahaka ka kushutana, mwa bona, kuya ka Linzwi la Hae. Mwabona? Mwabona, bona . . . Mi ba—ba talima fela inge kuli ki kukwela mati fa—fa Teni. Yeo ki niti luli.

¹²¹ Kuswana fela sina mushimani yo wa sihole yana hohobile kwani nako yeñwi, fani Davida hana amuhilwe kuzwa fa bulena bwa hae. Na ile fahalimwa Lilundu la likota za Olive, inza pahama, na sweli kulila hana ya, a talima kwa mulaho. Mi yena mutangana yomunyinyani yo azwela kwande kwani mi na mu kwelaka mati. Mi mulibeleti yani ali, “Ni ka tuhela kuli . . . toho ya nja yani iine ku yena, ni ku kwelaka mati ku mulena ka?”

Davida ali, “Mu mu tuhele.” Mwabona, ne ba mukwezi mati.

¹²² Mwendi kasamulaho wa lilimo ze mianda ye ketalizoho ka yemilalu, ba kwelaka mati ku Mwana hae, Jesu Kreste, niyena.

Mi kacenu ba Mu kwelaka mati hape. Mane inge Ne ku sika . . . Swanelia, kusa iseza ngana kwateri, ba sikulula fela lityoho za bona kusili ni kuzwa Kwateni, mi ba seha mwali kuba talimela. Kiñi hakuli cwalo? Ba mwa sisepe sesiya kwa Tareshishi. Yani ki niti.

Yona pizo ya Mulimu ye, mu lukela kuhuwa kulwanisa bumaswe, ku nyaza sibi, ku nyaza lika ze fosahalile. Cwale, muhupule, sani sika ba cwalo.

Yela, mwa ziba, nako ye. Mwa ziba, Ni mwa lihola zepeli ka kushutana. Mi mwa Tucson ki mizuzu ye lishumi fela kasamulaho wa sebene, mi—mi Ni sweli kuba ya—ya sa ikutwa ku lukuluha fa. Huh? Ku lukile.

¹²³ Cwale muhupule, lukaba ni ku yo ikalabela ka zona. Muhupule, bani baba kwezi Kreste mati ba ikalabela ka zona.

Fani Davida hana kutile kuzwa kwa butanga, hanali muyambaeli, mi cwale ha na kutile, muhupule, mutangana yo ato wa ka pata ya hae mi a lilela sishemo. Na kwezi Davida mati, na zwile, kono na li ya itukisize kutapisa mautu a hae ka mioko, mi, kona ha na ilo kuta.

Mi zazi leliñwi bani bene ba tabile Jesu ba ka iponela.

Mi ni bao baba Mu taba kacenu ba ka yo iponela, ni bona. Zeo, zazi leliñwi, lika yo kuta. Muhupule, Sinulo 22, U tokwa kuli lu buluke Linzwi kaufela La ñozi; Linzwi kaufela.

¹²⁴ Cwale lu ziba kuli Pata ya Hae iteni mo. I pakilwe. Luna ni yona. Lwa sepa, mwa biki yetaha ye, ika zwelapili kupakiwa mwahala luna; bakuli ba ka foliswa, mi lika zetuna lika nga sibaka.

Halu lati nzila ye zibahala ku ba bañata. Lu bata Niti. Mi ha lu lati, lu (bata) halu lati kuli—kuli lu talimane ku lisili konji sa bulezi Mulimu kuli kona Niti. Kono, “Mubone kuli libi za mina likana li mi fumana kamita.” Haiba nji ha li mi fumani fa, li ka mi fumana kwa Katulo. Kacwalo mu—mu... Li ka mi kwacisa kokuñwi, cwale. Eeni, sha.

¹²⁵ Kono haiba u Mukreste wa niti, ya bizizwe luli sina Jonasi mwa na inezi, Mulimu u lifile kale tifo ya musipili wa hao. Zwa mwa sisepe se siya kwa Tareshishi seo, ona cwalo. Mulimu uku ketezi kwa bupilo boo. Eeni, sha. Haiba wena kaniti, u mwana Mulimu ya bizizwe, utahe ku Kreste. Utahe mwa mutalelela wa Hae. Musipili wa hao ulifilwe kuya kai? U lifilwe kuya kwa Ninive, isiñi kwa Tareshishi. U lemuhilwe kale. Sisepe sa hao... Kuna ni sisepe se si funduka cwale, si mwa nzila ya sona. Konakuli kuna ni fela nto iliñwi ya kueza, ki ku longana ku sona. Mi kambe nemuswana inge Mulimu, ne mu si ke mwaba ni kozo... .

¹²⁶ Sina mwana mushimani wa kezela ka, fa nako nyana yefitile. Seli myaha ye lishumi cwale, ubile ashimbuluka kuzwa musumo omuñwi kuya ku omuñwi. Kakusasaan omuñwi uya kwa keleke ye, yona keleke ya Katolika kwatasi kwanu, ni kunga ye bakeñisa sa bulezi ndate yomuñwi ya kenile kwanu, ni yomuñwi hape *kwanu*, ni yomuñwi hape *kwanu*. Zeo kaufela liisa fa sikamañi? Mwabona? Cwale u sa na ni tala ni linyolwa. Ne niize, “Sibaka sa hao ki kwa katala kwatasi kwani, mushimani.” Mwabona?

Hakuna mukwa wa kuzwa ku zona. Haiba Mulimu ki yena ya ku tokomela, wena ki ku itoboha fela ni ku zwelapili. Ku felile.

¹²⁷ Muhupule, Mulimu! Kihande, Mulimu nali mwa sisepe. Mulimu nali mwa liñungwa. Mulimu nali mwa tapi. Kai ni kai kwa na fetula, Mulimu naliteni kwateni.

Mwabona, Mulimu uteni, mi li ka mi kataza ona cwalo mwa minahano. Cwale kiñi ha lu itiyehisanga nako yetelele? Halu kaleni felaancafazo ye hande. Kaswanelo! Ki sikamañi se mu libeleta? Lu lumela kuli Kutaha kwa Mulena ku fakaufi, mi Ukaba ni Munyaliwa, mi U itukisize. Mi ha lulati lisepe zeya kwa Tareshishi. Lu ya kwa Ninive. Huh! Lu ya kwa Kanya. Amen. Yani ki niti. Lu ya ko Mulimu uka fuyola, mi sani kona se lubata kueza.

¹²⁸ Kuina fapila Pata ya Mulimu, mi, ka lipilu za luna; isiñi mazoho a luna, zeñata cwalo, kono lipilu za luna fapila Mulimu, kufitela A lu kulisa, kukuta kutela, ona cwalo, ka mamonyi a kanya ya Hae; ni ku besa ku luna bunde bwa Hae—Hae, ni ku buzwisa ze lu nani, kuisa mwa niti, mwabona, fo lukona ku bonsa babañwi kuli Jesu Kreste wa pila. Oh, mawi! Lubata kulumela cwalo.

¹²⁹ Mi amuhupule, kwa naile Jonasi, Mulimu nali mwa sisepe; Mulimu nali mwa liñungwa; Mulimu nali mwa tapi. Na zwezi pili kuba ni Jonasi ona cwalo kufitela tato ya Hae ye petehile ha iezahala. Yani ki niti.

Mi haiba Yena wa mi zuma fa ni fa, mwakona ku picuka *kwanu*, ni kupicukela *kwani*, kono mu ka zieleha kufitela mukuta ni kueza sika sene mu kalile ku Mu ezeza ka nako ya pili. Mwabona? Musike mwaya, kumata kuzwa fa pila Pata ya Mulimu. Mu talimane ni yona. Mu lumele kuli ki Niti, mi mutuhele kuli... Haiba ki Niti, ya swanelia kupila ka yona, kushwa ka yona, sika kaufela. Mi haiba U mi tomezi yona, kuli ki yona Niti, konakuli halukoni kumata kuzwa ku yona, kusili. Yena ukaba teni ona foo, ka kuswana fela. Hamukoni kueza cwalo.

¹³⁰ Ka mupolofita wa Hae ya lukisizwe, yena ya Na lukisize ku ya kwani ni ku yo biza liñusa lani. Cwale, ku bonahala kuli Na ka luma mupolofita usili, kono Na lukisize Jonasi; mi mane nihaiba Elia nasike aeza; Jeremia nasike aeza; Mushe nasike aeza. Neli Jonasi ya na lukela ku ya kwa Ninive. Ki zona fela zene swanelia kubateni. Na mu lumile ni ku mu bulelala kuli a zamaye. Mi cwale ha Na bulezi kuli, "Zwela kwani, Jonasi, zamaya kwa Ninive," hakuna mutu usili ya na ka kona kuya ku yo eza sani konji Jonasi.

Mi cwale Mulimu ha ku bulelala sika, u lukela ku si eza; isiñi mutu usili. Mwabona, lu swanelia fela ku talimana ni sona, mi, lu ya ku yo si eza.

¹³¹ Lu lumela kuli lupila mwa hola ya kuli ki fo Mulimu hasweli kueza sesiñwi. Lu lumela kuli lupila mwahala zona cwale. Ni lumela kuli busihu boo Ni kutaza kwa kopano yani ye—ye litezi, inze ilibelezi kwande kwani kuli ibuzwe. Na—Na lumela cwalo luli, ka pilu yaka kaufela. Ne ni ka bulela kuli ki nto yeswana cwale sina mo kubelanga kamita.

¹³² Cwale, lu lumela kuli nako ifitile ya kuli Muñoli Joani 14:12 i swanelia kutalelezwa. Luna, lu lumela kuli Malaki 4 ilukela kutalelezwa. Lu lumela Luka 17:30 ilukela kutalelezwa. Lwa lumela cwalo, ona lisepiso ze kaufela za Na bulezi kuli lika ezahala mwa lizazi le. Lu lumela kuli li swanelia ku talelezwa, mi lu lumela kuli lwa li bona ha li talelezwa ona fa cwale. Yeo ki niti luli.

¹³³ Mutuhele ku matanga. Musike mwa zwanga fa pila Pata ya Hae; mu zamayange fela kukena mwa kubateni kwa Pata ya Hae. Yani ki niti. Mi Ni ziba kuli seo kona se mu lakaza kueza. Kakuli, Ni boni litupa kwani zezwa kwa Texas, ni Louisiana, ni kwa libaka zeñwi. Seo kona se lubezi teni mo, isiñi kumata kuzwa fa kubateni kwa Pata ya Hae, kono ki kumatela mwa kubateni kwa Pata ya Hae.

A mukute, mutuluke mo mwa...[Hakuna manzwi fa tepu—Mu]...mwa na bezi Jonasi, haiba nji mibile mu komoka nzila ya kuya ka yona kamba sa kueza, a mutahe, a mu kwele sisepe ni luna busihu bwa kacenu. Lu ya kwani kwa Tareshishi, ku yo taba mukosi...kamba, Ninive, ku yo huweleza. Lwa tuhela sisepe sa Tareshishi sani si ikele haiba si bata kuya. Luna ni musebezi fapila Mulimu, wani, ki Liñusa le luna ni buikalabelo ka lona.

¹³⁴ Kacwalo mwa biki yetatama ye, ka kubulela fela nyana ka zona busihu boo, kuli mukone kuziba. Ha Ni sweli kuhuwa, Ni na ni buikalabelo feela kwa Liñusa, bana bahesu. Mina bakutazi babainzi mo, Hani yo mo ku to holofaza maikuto a mina. Ni mina basali ni baana, fa linyalo ni telekano ye taha ye, Ni bata kuli muhupule busihu bwa kacenu. Ni bulezi se kaufela, kufitisa se ku mina, kuli Ni na ni buikalabelo fela ku Mulimu.

Mi cwale, hape, Ni na ni buikalabelo ku mina, ku mi bulelela Niti. Mi Hanina ku mi bulelela zeñwi kono konji Niti, ibile fela kuli Mulimu uni lumeleza kuziba seo Niti ili yona. Kufitela Ni ziba Niti, Hanina kubulela sika ka sona, mwabona, Hanina kubulela sika ka sona. Kono Ni lumela kuli Mulimu u ni bonisa Niti kuama *Linyalo Ni Telekano*, mi Ni sepa kuli Uka ni lumeleza ku itisa.

¹³⁵ Mi Mañusa amañwi ao Ni lela kuba ni ona biki ye, ki a, *Ki Mañi Melekisedeke Yo? Kikai Kwa Na Ketile Mulimu Kubeya Libizo La Hae?* Ni zeñwi zelikani za litaba zani sina cwalo, ao kona Mañusa a taha, ni *Butuku Bwa Kupepa*. Ni—ni lika zeñwi zelikani, zeo ka—ka mukoloko o cwalo, ni ka kuzamaelela ni yeli *Muuna Ha Keta Musali Wa Kunyala*. Ni lika zenyinyani, ona Mañusa ao, Ni bata ku atisa biki ye. Kono Ni bata fela kopano...

¹³⁶ Koo, haiba kukaba mukutazi kwanu; Na hanijo kwanu, mizwale ba ka...Hani lati kuli mina, kamba babañwi ba mina ma membala, mukute kwa likeleke za mina, ni ku yo bulela kuli, “Muzwale Branham ubulezi *cwana ni cwana*.”

Na ni tamehile kwa Liñusa leli filwe ku na kuzwa ku Mulimu Yamata kaufela. Sina ha Ni yemi fa bushihu boo, mi ni Mulimu uziba kuli yeo ki niti, kuli ona kwanu kwa nuka ye...Kuna ni sicaba, mwendi, bateni mo, fani Lingeloi la Mulena lani hane litile kwani ni ku ni bulelela sa Na ezize, ona kwani ka 1933, ona mwa Mukwakwa wo wa Spring kwanu. Haiba

mubaenyi kwanu, mu zamaise ka kushetumuka. Ki kwa lilulu la Mukwakwa wa Spring, kwani ha mu ka yo fita fa nuka, kona ko ne li ezahalezi. Sani sibile ka 1933. Se kufitile mwendi myaha ye mashumi amalalu ka yemibeli kwa mulaho, cwale. Oh, seli mashumi amalalu- . . . seli mashumi amalalu- . . . mashumi amalalu ka yemibeli kwa mulaho, mashumi amalalu ka yemibeli kwa mulaho.

Mane ni ka Mwa tiselize zani hande cwalo, lika kaufela. Mi luile kwande, kutisa Liñusa, ni kubona bakuli haba foliswa, libofu, ni lihole, ni lianga, ni ba luñañali, ni zeñwi kaufela. Mi mane nishaiba kubona bafu, be luziba kuli ne ba pakilwe cwalo, haba zuha kwa bafu. Batu ba shwa, ni ku zuswa kukutela kwa bupilo hape, ni lika ze kaufela. Haiba nji Liñusa liya cwalo, kuna ni lisupo ni limakazo!

¹³⁷ Mi mu sa bona munahano wa kale o muhulile ni ona? Wani no sa zweleli ku Mulimu. Mulimu halukeli fela kueza . . .

Mulimu usweli kulika kunga kutwisiso ya mina kuli iebelelizwe ku Sesiñwi.

¹³⁸ Mi cwale Jesu hana ile, Akala kufolisa bakuli, ni kueza misebezi yemituna ni zeñwi. Yena, kamita, Yena . . . Jesu naeza cwalo. Mi Mushe ni Jesu neba ezize cwalo, ni babañwi ba kubona. Mi cwale ha Na li teni fa, Na ezize.

Mi Usweli kueza, taba yeswana kacenu. Mi Ha luma mukopano oswana sina wani, lincafazo, ni kukala mukopano mwa lifasi, ni kukala ku zamaya hamoho ni limakazo ni zekomikisa zetuna. Mi kipeto mwa bona, mukute kwamulaho, ona sikolo sa kale sani sa kuluta, kuna—kuna ni sesiñwi se si fosahalile kokuñwi. Kuna ni sesinca se si taha kwapili! Mi Jesu hana tile, kasamulaho, fani . . .

¹³⁹ “Yena ki Muluti yomunde.” Na kona kuya kwa katala kaufela ku yo kutaza, fani ha Na folisa bakuli. Mi, oh, ne ba tabla kubanga ni Yena kwani.

Kono zazi leliñwi ha Na tilo ina fafasi, ni kubulela kuli, “Na ni Ndate Lu nto Iliñwi,” muzwale, Na si kaba ya zibahala hahulu kasamulaho wa sani. Fani ha Na bulezi kuli, “Kwanda kuli mucé nama ya Ka, ni kunwa Mali a Ka, hamuna Bupilo ku mina. Kono ya ca nama ya Ka, ni kunwa Mali a Ka, una ni Bupilo bo busafeli; mi Ni ka mu zusa ka zazi la mafelelezo.” Mi, Na sikaba ya zibahala hahulu ku bona.

¹⁴⁰ Neba ize kuli, “Muuna yo ki mucabatu. Muuna yo ki Baalezebubi. Kona Mwa na ezelize lika zani. Na kona kubulela sina balauli. Na talima kupunyeleza mwa—mwa minahano ya bona ni kulemuha milelo ya bona. Ki mulauli.”

Kono, seo ne sili sona, Na—Na li yena Linzwi la Mulimu leli ezizwe nama ya hola yani. Mi Na tamehile kwa musebezi.

Abulela kuli, "Ni eza kamita se si tabisa Ku Ndate." Mulimu lutuse kueza nto yeswana, lueze se si tabisa ku Ndate.

¹⁴¹ Mi Ni sepa kuli mina kaufela mu ka utwisia. Haiba mu sa lumelelani ni na ka Mañusa a ni lika zeñwi, kuli mu ka hupula, mwesha mube ni likute le, kuli Ni na ni musebezi, mi ha Ni yi kwa Tareshishi. Ni mwa musipili kuya kwa Ninive, mi Ni—Ni lukela kuhuwa kutaba mukosi. Mulena ami fuyole kaufela.

Halu inamiseni litoho za luna cwale fa nako nyana.

¹⁴² Seli bukaufi ni naini seti. Hani tabeli ku mi liehisa, kono Ni bata kufumana se haiba Ni kona, busihu bwa kacenu. Kana kuna babañwi mo baba—baba siyo hande ku Kreste mo mu swanela kubela, kono mu—mu tabela kuba, mi mu lakaza kuba, kana mu ka nanula fela lizoho la mina, muli, "Muzwale Branham, ni lapelele"? Mulimu ami fuyole, mutualime fela kwa mazoho. "Ni—Ni bata . . . Niteni mo, Muzwale Branham, kuba bukaufi ku Mulimu."

Mi haiba toho ya mina ne inanuhile, laka—laka ni lizoho laka linanuhile, hape. Sani kona se Ni bezi mo. Na shwa tala, sina mina mo muinezi.

¹⁴³ Kono, oh, ka zazi leliñwi, iliñwi ya lika zende hahulu ne iezahalile, mi Na—Na ziba cwale sa kueza. Mi Ni—Ni lapela kuli Mulimu amife kutwisiso yani ye otolohile hande. I teni. Haili . . . Haiba kuna ni puzo mwa munahano wa mina, ku lukela kuba kalabo kokuñwi, ya kualaba kwa puzo yani. Tapelo yaka, kikuli, Mulimu ami lumeleze kubona puzo yani ha i alabiwa mwa nako ye.

¹⁴⁴ Haiba mwa kula, Mulimu ami folise. Lu kaba ni lisebelezo za kufoliswa, Na sepa, ni bona kuli ikaba busihu ni busihu, mi luka lapelela bakuli. Luka ba ni kueza sika kaufela se lukona kuli lu mituse, mi mueze lika kaufela ze mukona kwa ku lutusa. Mi luka belekisana hamoho, ka kusepa Mulimu kuli uka lufa mukopano omutuna.

¹⁴⁵ Cwale, Mulimu Ndate, ona manzwi amanyinyani a lobakehile a, kono ainzi mwa mazoho a Hao cwale. Mulena, a bulezwi. Ni ka yo a katana. Inge fela . . . Manzwi ani hakoni kushwa; asweli kuya inza potoloha ni kupotoloha mwa lifasi, fa matapa, mi zazi leliñwi Ni ka yo libana ni ona kuyo kuta hape. Ni lemuha cwalo, Mulena, mi Ni bulela cwalo ka butungi bwa kusepahala.

¹⁴⁶ Na lapela, Mulimu yomunde, busihu boo, ku mañi ni mañi wa bona, bana ba Hao. Mi, O Mulimu, Na sepa, biki ye isika fela kale, baka—baka utwisia; kuli puzo yani, yetuna hahulu mwa minahano ya bona busihu bwa kacenu, i a labiwe. Lumeleza cwalo, Mulena.

¹⁴⁷ Kuna ni babañwi mo baba si ka Ku ziba, Ndate, kakuba Mupulusi, kale, kamba mwendi ha ba si ka tazwa kale ka Moya o Kenile. Shangwe bo ibe busihu bwateni.

¹⁴⁸ Mulena, Na hanikoni kutaza mutu ufi ni ufi ka Moya o Kenile; kamba mane kuli Ni pilise mutu. Ni kona fela kuba bulelela so bulezi Wena, “Bafuyozwi baba na ni tala ni linyolwa la kuluka, kakuli ba ka kuliswa.” Mi Na lapela, Mulimu, kuli Ubupe tala yani mwa lipilu za bona.

Babañata, Mulena, ba lukela kuba ni tala; bakona ku zamaya cwani limaili ze mianda ze, mwahala mezi a kangezi ni lika kaufela, ni mwa malundu a pula, ni mwabuse bwa mahalaupa, kutaha kwa sibaka nyana ku to ina mwa lilulu kwanu! Mi Ni nahana hape, No ize kuli, “Ko kuna ni Situpu, limbande li ka kopanela teñi.” Lu fepe, Mulena, ka Manna a Hao a Bumulimu. U fe mwa mioya ya luna sona se lu tokwa luli. Lu nyolezwi Wena, Ndate. Lu mwa mazoho a Hao cwale.

¹⁴⁹ Lumeleza Moya o Kenile ono tilefafasi fa lilundu zazi leliñwi kwa neku lani, Ni lapela kuli Uka kolobisa pilu kaufela yeliteni mwahali mo ka bunde bwa Hae ni sishemo, ka kutwisiso. Lwa lemuha, Ndate, sani kona se lu tokwa, ki ku utwisia. Kakuli haiba ha lu zibi se lueza, konakuli luka ziba cwani mwa ku si ezeza? Kono lu swanezi kuba ni kutwisiso. Sina Daniele hana bulezi, kuli nabile ni “kutwisiso ka litaba zana ñozi mupolofita Jeremias.” Mi, Ndate, luna ni kutwisiso ka litaba za Nozi Moya o Kenile, kuya ka Mwa ka Li patululela ku luna mwa hola ye. Ufe ku luna, Mulena, litakazo ze luna ni ku Wena. Ka bunolo lwa kupasa se, Ndate, kwa kanya ya Hao, ka Libizo la Jesu Kreste.

¹⁵⁰ Cwale ni litoho za luna zeinami. Sina kezela luna hanza liza cwalo kuli, “Uka nifa muhau ni kanya, ni kuya ni na mwa musipili kaufela.” Ni bata kuli mu lapele ka kukuza cwale ni kukupa Ndate yakwa Lihalimu kuli A mi fe, busihu bwa kacenu, zona lika ze mu tokwile.

¹⁵¹ Muzwale yomunde, kezeli yomunde, Yena ufa kaufi fela sina lizoho la hao ku wena. Mina, mu ni lumezi mwa—mwa lika zeñwi, mu ni lumele ku se. Utensi mo ku to mifa ze mu tokwa kaufela.

¹⁵² Oh, ka lisunda nyana ze felile Nibile ni tala hahulu, ni linyolwa hahulu, ni bulutu hahulu, ku mi bona. Leo kona libaka ha Ni bulezi kuli, “Billy, haluye kwa hae.”

Meda naize, “Ki sikamañi so batela kuyela kwa hae, mwa naha ye bata yani, Bill? U yo shimbanga fela kwateni litombo za fa mumizo ni zeñwi. U yo kutanga kwani, ni toho ya silami, ni kusileha linzwi, mi mane upalelwanga nihaiba kubulela.”

¹⁵³ Se nili, “Kihande, Hani zibi.” Se ni mu bulelela kuli... Ni bona mulikana ka, Charlie Cox, uinzi kwa mulaho kwani. Se nili, “Ni libelezi fela kuutwa Charlie hali, ‘Hani boni kamale kani kene ka pahami kota kwani.’ Ni ikutwa fela tala hahulu ku utwa zani.” Ni—Ni bata fela ku—ni bata fela kuba bukaufi ni wena.

¹⁵⁴ Ni ziba Muzwale wa ka Banks na kulile hahulu. Mi Na bona pono ya hae, kwanu ha ki kale hahulu, mi na lobalezi ka ku kanama. Mi Na ziba na sutelezi fakaufi kuli a lu siye, nako yefitile nyana. Ha Ni talima ku babashutana ba mina . . .

¹⁵⁵ Ne ni tile busihu bobuñwi, kwa mukopano wa Baana ba Pisinisi ya Sikreste, ni ba kwahule. Muunamuhulu “Pop” Shakarian, ndatare Demos, na inelanga kwande kwani ni ku talima fela kufitela ha Ni kena, mi kipeto wa menya, mi ni ku ni kobeta ka lizoho. Na si yo kwani. U ile.

Mi Ne niile kwa lubasi lwani, ni sakuli KISONA SA BULELA MULENA, mwana bona wa musizana uka shwa, ni yena. Florence, Ne ni mu boni mwa pono, ne ni muboni ha ya. Mi Na ziba kuli wa ya. Mi se Nili, “U lapele, u lapele fela. Mwa ziba kuli kuna . . . Mupolofita alimuñwi na bulelezwi kuli ayo bulelela mulena kuli a lukise za ndu ya hae. Mi a lapela, mi Å bukeleza bupilo bwa hae, lillimo ze lishumi ka ze ketalizoho fahalimu.” Se nili, “Mulapele.”

¹⁵⁶ Kono, mu talime, mi Na—Na kuta . . . Ne ni inzi kwanu mo ku lekiswa lico, zazi leliñw, ne ni ca. Muuna yomuñwi sa taha kuna, ali, “Kana haki wena Billy Branham?”

Se nili “Eeni.”

¹⁵⁷ Yena na si ka ni ziba, kakuli bakeñisa ona sitenda *se* fa toho yaka. Ne ni tinanga kaemba ka milili ka, kwa ku sa ba ni litombo za fa mumizo mwa nako ya mukopano wo.

Na tile ku na, ki hali, “Ne ni hupula kuli Na ku ziba, Billy.”

Se nili, “Eeni.” Se nili, “Ki wena mañi?”

Senili, “Kina John Warman.”

Se nili, “U cwani Zip?”

Ki hali, “Billy, u shwile.” Uh!

¹⁵⁸ Ne ni taha kuta; ne niya kwa kulifa mitelo yaka. Se ni kuta ka nzila ya kuta, mi kalibe ato ni huwa, mi ali, “Kikuli wa ziba John utimezi?” Kamba, neli libizo lisili. Inge ne si John yani; Ed, kamba yomuñwi cwalo. Mi se Nili. . . Ne ni sa muzibi musali yani. Ne ni ikutwile kuswaba. Mi se ni to fumana kuli, Ne ni sa mu zibi.

Kalibe ki hali, “Kana wa hupula busihu bobuñwi bo ne unsufezi hahulu fani nuka hane itezi kubayulela ni fa likamba kwanu, ni mandu inza sweli ku ikwelaka, kwani kwa mukwakwa wa Chestnut, mi se u iitisa kuya kwa sibaka sani ku yonga musali cwana ni banana babañwi ku ba tusa?”

Se nili, “Ki wena musali yani?”

¹⁵⁹ Kalibe ali, “Kina—Kina kalibe yani.” Akala kulila ka mbututu wa hae; wa ziba likande laka. Musali ali, “Yena yo ne Ni bizanga kuli ‘mbututu waka,’ unyezwi mi una ni mabasi.”

Mwabona? Mi ki yena yo fa, usupezi ni limbi za hae; mi ki Na yo fa, nina.

¹⁶⁰ Alimuñwi ka alimuñwi, makadi aluna natilo fela, sina mo ne kuinezi. Mi luna ni mikopano, mi Ni tondahalile ku *wo*, ni ku *wani*. Luna kaufela lukaba ni kutondana, leliñwi la mazazi a.

Kono, muzwale, kezeli, kuna ni Sibaka sa makopanelo. Haluboneni kuli lube baba lukile cwale. Mukaba cwalo njí? Musike mwa tuhelela kuli kutwisiso yaluna kaufela ya Mulimu, ni zeñwi cwalo, liye mwa mbango. Halu lumeleni.

¹⁶¹ Ndate, bainzi mwa mazoho a Hao. Nina ni mwa mazoho a Hao, Mulena. Luinzi fela mo ka kuipa cwale, bukaufi fela ni mukopano otaha olukela kukala kamuso busihu. Kikuli Uka lu tusa, Mulena? Tuhela kuli—kuli lingambolo za luna liyendame ku Wena kamita! Mi lipilu za luna ni minahano libe fela ku Wena, mi No bulezí kuli Uka lu buluka mwa kozo ye petehile. Hape ku ñozwi mwa Bibele kuli, “Usike wa tiyela fa kutwisiso ya hao.” O Mulimu, ha lu lati kutwisiso ya luna; lu bata kutwisiso ya Hao. Ife ku luna, O Mulimu. Mi cwale ancafazo itahe mwahala mioya ya luna kufitela sikwata sa batu se siba fela pilu iliñwi ni mwa kutwano iliñwi. Lumeleza cwalo, Ndate. Lumeleza lika ze, halunze lu lapela ka Libizo la Jesu Kreste.

Kufitela moyo waka ufumana
Pumulo mwa buse bwa nuka.

Kwa sifapahano, kwa sifapahano,
Kube kany-... (halu nanuleñi mazoho a
luna)... kamita;
Kufitela moyo waka ufumana
Pumulo mwa buse bwa nuka.

Jesu, unibuluke kwa sifapahano,
Kuna ni sibuba sesinde,
Tukuluho kwa... (eehe, Mulena, tukuluho)...
nukana ya kufolisa,
Yebuba kuzwa kwa sibuswa sa Kalvari.

Kwa sifapahano, kwa sifapahano,
Kube kanya yaka kamita;
Kufitela moyo waka ufumana
Pumulo mwa buse bwa nuka.

¹⁶² [Muzwale Branham ukala kuñuñuna *Bukaufi Ni Sifapahano*—Mu.] O Mulimu! Haiba kuna ni yomukana wa mina kaufela ya ikutwa kuli mutabela kutaha ku to kubama kwa katala, haiba mwa tabela fela kutaha, muli, “Haniyo fo Ni lukela kuba, Mulena. Ni—Ni bata kueza kuipa. Ni bata kueza sani busihu bo, Mulena.” Mu amuhezwi kuli mutahe. Lukaba kwanu kuli lu lapele ni mina. [Muzwale Branham uwelapili kuñuñuna *Bukaufi Ni Sifapahano*.]

Kwa sifapahano, kwa sifapahano,
 Oh, kube kanya yaka kamita;
 Kufitela moyo waka ufumana
 Pumulo mwa buse bwa nuka.

Jesu, unibuluke kwa sifapahano,
 Kuna ni sibuba sesinde,
 Tukuluho kaufela, kwa nukana ya foliso,
 Yebuba kuzwa kwa sibus sa Kalvari.

Kwa sifapahano, kwa sifapahano,
 Kube kanya yaka kamita;
 Kufitela moyo waka ufumana
 Pumulo mwa buse bwa nuka.

¹⁶³ Halu lapeleni fela, mañi ni mañi mwa nzila ya hao cwale. Fela—fela mulibale za nako. Halu inamisni fela litoho za luna fapila Kubateni kwa Hae. Kalibe yomunyinyani yo fa, ya lila, “Na Ku lata, Jesu!” Wa hupula ha no pilisizwe, myaha yemiñata kafoo, wa hupula sani mone sibezi se si munati ku wena? Yena usali ya munati ni mwa busihu bo. Halu lapeleni, mutu ni mutu ka nzila ya mina bañi cwale. Halu—halu ineeleni fela ili luna ku Mulimu, lu ineele fela luna bañi ku Mulena.

¹⁶⁴ Mulena Jesu Yomunde . . . [Hakuna manzwi fa tepu—Mu.]

Nukana ya tuso yaka kamukana,
 Ifita bupilo ku na,
 Kimañi yo Ni nani mwa lifasi kwanda Hao?
 Kamba kimañi mwa Lihalimu haisi Wena?

Mulimu Yomunde, lu lapela cwale kuli sishemo sa Hao ni muhau li lumelwe ku yomuñwi ni yomuñwi wa luna, Mulena. Luteni mo kupotoloha katala. Babañata ba palezwi kutaha kwapata; Uba katanyeza mwa lipula za bona. Kaufela se lufa, Mulena, U itakaleza ku siamuhela. Haiba fela lufa ku Wena nako yaluna, Uka i amuhela; talenta, Uka i amuhela. Kono, Mulena Mulimu, busihu bo luka fittelela sani, lufa kaufela zeluli zona. Zeo kaufela Nili zona, kamukana ze Ni libelela kuba zona, kaufela li ku Wena, Mulena. Lu lapela kuli U ikungele zona, litapelo za luna, mwa pilu ya Hao, Mulena, mi ulufe kwa butungi bwa Moya o Kenile, kuli bupilo bwa luna bu cinciwe. Kakuli, lu bona kuli lu atumezi maungulo cwale. Hakusana kuba nako yetelele hape. Mi sina halubona balatiwa ba luna banze ba ya, zazi ni zazi, banana ni babahulu, luziba kuli cwanoñu li ka ngongota fa munyako wa luna. Mi busihu bo, Mulena, halunze luli mwa munahano wa luna o iketile, luinzi mo, kamba lukubami mo, luyemi mo, mukwa kaufela o luli ka ona, lu amuhele, Mulena Mulimu.

¹⁶⁵ U ninge, Mulena. Hani sesiñwi, kono kaufela se Nili sona, Mulena, haiba Ukona kuba ni tuso ifi kaufela ku na, Na ipa ilina ku Wena.

¹⁶⁶ Na lapela, Mulimu yomunde, yомуñwi ni yомуñwi. Batu babande bo Ni yemezi kwabuse mwa malundu mwa Arizona ni kulilela, mi fa ba kubami kwa matuko a katala hamoho ni luna busihu bo, ba lapela, kuneela bupilo bwa luna. Lwa Ku lata, Ndate, kufita bupilo bwa luna. Lwa Ku lata kufita mabasi a luna. Lwa Ku lata kufita basali ba luna, bana, bo ndate, boma, kezeli, muzwale, muuna, musali. Lwa Ku lata, Mulena Jesu. Eza seo kuba sa niti mwa lipilu za luna, Mulena. Sela oli ya nyakalalo, biki ye, Mulena, mwa mioyo ya luna. Lufe kutapa, kutapiswa kwa Linzwi, ka mezi a Linzwi, u abele ku luna Niti.

¹⁶⁷ Babañata mo busihu bwa kacenu, Mulena, mi ni baba kaba mo, baba lyangani fa lituto ze ze butokwa cwana. O Mulimu, kwalula sibuba sani mwa ndu ya Mulimu, kuli—kuli sibe sa kukeniswa kwa luna. Na lapela, Mulimu, kuli U lu tapise ni ku lu kenisa ka Mali a Hao, ni ku lueza libupiwa zenca. Mi ulufe muhau ni kutiya, kuli lutise Linzwi la Niti mwa buino bwa Lona bwa sinulo ya Bumulimu Kakuba yena Jesu Kreste.

Mi Ha bonahale fapila luna, Mulena. Mi cwale Ha tahe afolise matuku a luna, swalela libi za luna, kulisa lipilu za luna ze lapile ka manzwi amande a tabo yetuna, Evangel ibonahazwe mwa bupilo bwa luna.

Fuyola mulisana kaufela, muopelisi wa lipina kaufela, muluti kaufela wa sikolo sa la Sunda. Lufuyole kaufela, hamoho, Mulena, kakuli kaniti lwa Ku lata. Mi cwale lu ba Hao, Mulena, mwa kuipa kwa. Ka Libizo la Jesu Kreste, itusise luna cwale kuya ka tato ya Hao Tota.

Tumelo ya ka italima Wena,
Wena Ngunyana ya Kalvari,
O Mupulusi Yapahami;
Cwale ni utwe ha Ni lapela,
Zwisa sibi saka kamukana,
O kuzwa kacenu
Nibe wa Hao ka kutala!

Mwa lata sani? Halu opeleni hape.

Hanze Ni zamaya mwa miliko ye minsu,
Ni maswabi anibeya mwahali,
Oh, Wena ube Muzamaisi wa ka;
Fetula lififi kuba lizazi,
Takula mioko ya maswabi,
Usike wa tuhela kuli ni keluhe
Kuzwa ku Wena.

Kana seo sa mieza kuutwa hande? [Puteho ili, “Amen.”—Mu.] Ki babakai babatabela kuopela lipina za kale zani? [“Amen.”] Na na li lilata luli. Mina bo?

Oh, luya kwa Sione,
 Bunde, kwa bunde Sione;
 Luzamaya luya kwa Sione,
 Ona Munzi omunde wa Mulimu.

Oh, luya kwa Sione,
 Oh, bunde, kwa bunde Sione;
 Luzamaya luya kwa Sione,
 Ona Munzi omunde wa Mulimu.

Mutahé, luna babalata Mulena,
 Mi tabo ya luna izibahale,
 Kukena mwa pina ka buñwi hamunati,
 Kukena mwa pina ka buñwi hamunati,
 Mi lupotolohe Lubona,
 Mi lupotolohe . . .

Cwale, halu yemeni cwale mi lu i opele. Muswalane mwa mazoho ni yomuñwi ni yomuñwi.

Luzamaya kuya kwa Sione,

U fuyolwe, kezeli! U fuyolwe, kezeli! U fuyolwe, muzwale!
 U fuyolwe, kezeli! [Muzwale Branham uwelapili kulumelisa batu—Mu.]

Ona Munzi omunde wa Mulimu.

Halu nanulení mazoho aluna ku Mulimu.

Oh, luya kwa Sione,
 Bunde, kwa bunde Sione;
 Luzamaya luya kwa Sione,
 Ona Munzi omunde wa Mulimu.

Oh, luya kwa Sione,
 Oh, bunde, kwa bunde Sione;
 Luzamaya luya kwa Sione,
 Ona Munzi omunde wa Mulimu.

Kana seo ha si mi ezi kuutwa hande? [Puteho ili—Mu.] Mawi, mawi! Oh, halu nanuleñi fela mazoho a luna ni ku Mu lumba ka nzila ya luna.

¹⁶⁸ Mulena Jesu, Wena Palisa ya Sharoni, Mulilima wa mwa Libala, yena Naleli ye Benya ya Kakusasana, yena Yomunde ni kufita babaeza likiti ze mashumi kwa moyo wa ka. Wena Nukana ya buiketo bwaka kaufela, yafita bupilo ku na! Mo lu Ku latela! Lu utwe, O Mulena. Mo lu itumela ku Wena! Oh! [Hakuna manzwi fa tepu—Mu.] Mo lu Ku lumbela! Fuyola ba, wena Mulena luna ni Mupulusi yomunde! Alaba lika ze, Mulena. Li alabe. [Muzwale Branham ni puteho ba zwelapili kulapela ni kulumelisa batu—Mu.]

Bukaufi ni sifapahano,
 Kube kanya yaka kamita;
 Kufitela moyo waka ufumana
 Pumulo mwa buse bwa nuka.

¹⁶⁹ Mokuñwi, kamba neku leliñwi, Ni ikutwa fela kuli luya kwa... Kuna ni sesiñwi se si libelezi kwapili aluna. Cwale, muhupule fela, Ni lumela kuli Na polofita. Tabo yetuna itemi kwapili. Mulumele cwalo. Yeo ki niti. Lipilu zeñata lika ba cwalo... Likunutu zetuna lika zibahala, ni batu baba swabile bakaba ni tabo. [Puteho ya nyakalala—Mu.]

Bukaufi ni sifapahano, kwa sifapahano,
 Kube kanya yaka kamita;
 Kufitela moyo waka ufumana
 Pumulo mwa buse bwa nuka.

¹⁷⁰ Sina Joani wa kale, hana sa supezi hahulu kuli akutaze, na iinanga fela ni kuhuwa, kona mo ba ni bulelezi, ka mata ahiae kaufela, “Bana baba nyinyani, mulatane mañi ni mañi!” Mulatane mañi ni mañi. Musike mwa lumeleza sika kutaha mwahala mina, mwabona. Mubuluke lika kaufela, lika kaufela libe kwahule ni... Eehe, hakuna taba kuli ki sikamañi, mutualimane ni sona. Lumwa musipili kuya kwa Ninive. Mwabona? Musike mwa kena mwa sisepe sa kale sani sa kwa Tareshishi, se si mi zusa mwa kutwano. Halu zamayeni hande kuya kwapili mwa nukana ya limbuyoti za Mulimu. Ni lumela kuli lu kaba ni zona. Na lumela ku Ndata luna.

¹⁷¹ Waikutwa hande cwale, kezeli? Seo ki sesinde. Yani kona nzila ye Ni tabela kubona bana ku pepwa ka yona, ona kutaha kokucwalo kwani. [Kezeli uzwelapili kulapela ni kunyakalala—Mu.]

Ni hupula fela myaha ya kale, ona mwa sibaka se, buñata bwa likiti ze pepezwi mwa Mubuso wa Mulimu, ona mwa sibaka se. Kuli mane ne lu sa zibi, fani hane luyemi kwanu ni masenti a ketalizoho ka amalalu mwa lipokoto za luna, a kuyaha keleke ka ona! Oh, Na bulezi kuli, “Na Mulena ya icezi; Ni ka i selaela musihali ni busihu.” Mi U ezize ona cwalo. U ezize cwalo.

Mulimu ami fuyole. Cwale halu inamisa litoho za luna...

¹⁷² Cwale, kamuso busihu, muhupule, lisebelezo likaba fa sikolo mwa muyaho kwanu. Mi haiba... Lukaba ni yomuñwi yaka lumelwa kwanu cwale, kuli abonise sicaba mwa ku kenela mwatereni, kakuli babanca baka taha mwatereni.

¹⁷³ Mwa Mu lata, muli, “Amen.” [Puteho ili, “Amen.”—Mu.] Oh, kana ha Ki yomunde nji? [“Amen.”]

¹⁷⁴ Ne ni yemi kwani fa likamba kwanu, mi na opela pina ya kale yani kuli:

Fa makamba a Jordani Ni yemi,

Munahane, cwale seli myaha ye mashumi amalalu kwa mulaho, mashumi amalalu ka zetalu, myaha ye mashumi amalalu ka zetalu.

Ni kunepa liito la kuikumbuta,
 Kwa na ha ya Kanana yende yena ni tabo,
 Ko kuna ni maluwo aka.

Mi Ne ni kolobelize babañata, manzibwana ani, mi bainzi mwabuse mwani cwale. Mi, hane bayemi kwani ni kubona Naleli ya Kakusasana yani ha ishetumuka kutahafafasi kuzwa kwa lihalimu, inze ipikuluha cwalo, yali, “Sina Joani Mukolobezi mwa na lumezwi kutisa, ku to etelela kutahakwapili kwa Kreste, Liñusa la hai li ka twaleta Kutaha kwa bubeli.” Kana ne li ka hupulwa cwani? Kono, Manzwi a Mulimu kaufela ki a niti, Manzwi a Mulimu kaufela. Lu pila mwa Kubateni kwa Mulena yomutuna. Mulimu ami fuyole.

¹⁷⁵ Halunze luinamisa litoho za luna, Ni ka kupa Muzwale Neville, mulisana wa luna yomunde, kuli atahewwanu mi ato lu lukulula ka tapelo. Mulimu aku fuyole, Muzwale Neville. 

MUTU YAMATA KUZWA FA PILA MULENA LOZ65-0217

(A Man Running From The Presence Of The Lord)

Liñusa le ka Muzwale William Marrion Branham ne li kutalizwe lwa pili mwa Sikuwa la Bulalu manzibwana, Yowa 17, 1965, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi ne i hatisizwe ni kuhasanyiwa ki ba Voice Of God Recordings.

LOZI

©2017 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org